



後漢書辨疑卷一

目錄

志第六卷大喪 闕本大喪下有諸侯王列侯始封貴人
·公主薨一條

第二十九卷導從卒 卒當作車志中標目亦作車

列傳第五卷注欽曾孫歷 欽字衍闕本無

第八卷吳漢陳俊蓋延臧宮 案蓋延當在陳俊之前

第十一卷子隗 子隗二字當注在任光下

第十八卷馮衍注子豹 闕本子豹二字注在下卷馮衍
下

後漢書辨疑卷一

第三十卷上班彪注子固 闕本子固二字注在下卷班
彪下

第四十卷 依光武十王之例當有明入王三字闕本不
脫

第四十五卷 脫章入王三字闕本不脫

第六十四卷上袁紹注子譚 子譚二字闕本注在下卷
袁紹下

第七十一卷范丹 闕本作范冉注云一名丹

光武帝紀

南陽蔡陽人 杜佑曰棗陽後漢蔡陽縣漢春陵故城在
今縣東

嘉定錢謙益之甫



鬱林太守外注鬱林郡今柳州縣 胡三省曰唐柳
州無鬱林縣而唐之桂柳鬱邑象鸞壽南尹樂融賓等
州皆漢鬱林郡地

欽生光武 光武母張氏趙國張況族姊光武呼況為大
舅見張禹傳

光武避更新野 鄧晨傳云及光武與家屬避更新野舍
晨廬甚相親愛

更始元年 是歲王莽地皇四年也不應提行
注清陽縣屬南郡 案清陽兩漢志俱作育陽屬南陽此
作南仲誤也

後漢書辨疑卷一

初王莽以天下能為兵法者六十三家數百人 按王莽
傳云徵諸明兵法六十三家術者各持圖書受器械此
者字當在家字下

以為壘尉 百官表有中壘校尉今省作壘尉

衝鞠撞城 說文鞠兵車也漢書衡山王傳作鞠車鍛矢
六月己卯 通鑑作己卯朔

廼遣光武以破虜將軍行大司馬事 案上文拜光武為
破虜大將軍此脫大字

復漢官名吏人喜悅 闕本官名下有古字疑是故字之
誘

於是引兵拔廣阿 杜佑曰趙州昭慶縣漢廣阿縣
遂東圍鉅鹿 杜佑曰唐鉅鹿縣漢南縣也漢鉅鹿縣今

平鄉也

會諸將軍燒之 閩本無將字

秦豐自號楚黎王注秦豐黎上鄉人 案黎上鄉屬南郡

邵縣續漢書志作犁上

又別號諸賊尤來 水經注云鄒山記曰徂來山在兗州

梁父奉高博城三縣界今猶有美松赤眉樊崇保此山

自號尤來三老

注大將軍營有五部部三校尉 案續志部校尉一人

建武元年大軍復進至安次 安次今順天府文安縣

廼遣吳漢率耿弇陳俊馬武等十二將軍追戰於潞東

案耿弇傳云光武還薊復遣弇與吳漢景丹蓋延朱祐

後漢書辨疑卷一

三 弇李氏氏綱

邳彤耿純劉植岑彭祭遵堅鐔王霸陳俊馬武十三將

軍追賊至潞東據此則十二當作十三

行到南平棘注屬常山郡 案地理志常山郡平棘無南

字

千秋亭五成陌 千秋五成皆取嘉名

揚化將軍堅鐔等十一將軍 案十一將軍者吳漢朱祐

岑彭賈復堅鐔而外有大司空王梁右將軍萬脩驍騎

將軍劉植積射將軍侯進偏將軍馮異祭遵王霸也見

岑彭傳

盧方起安定 方闔本作芳

破虜大將軍叔壽 廣韻叔姓左傳魯公子叔弓之後

二年大司馬吳漢率九將軍 案九將軍者大司空王梁

建義大將軍朱祐大將軍杜茂執金吾賈復揚化將軍

堅鐔偏將軍王霸騎都尉劉隆馬武陰識也見吳漢傳

庚辰封功臣皆為列侯 時詔使馮勤典諸侯封事勤差

量功次輕重國土遠近地勢豐薄不相踰越莫不厭服

焉自是封爵之制非勤莫定

率征虜將軍祭遵等二將軍擊恆農賊 二當作五祭遵

而外有建義大將軍朱祐漢忠將軍王常騎都尉王梁

臧宮也見祭遵傳

遣執金吾賈復率二將擊更始郎王尹遵 案二將軍騎

都尉陰識驍騎將軍劉植也遵更始傳作尊

後漢書辨疑卷一

四 弇李氏氏綱

遣虎牙大將軍蓋延率四將軍伐劉永 案四將軍者騎

馬都尉馬武騎都尉劉隆護軍都尉馬成偏將軍王霸

也

殺淮陽太守潘蹇 廣韻周文王子畢公之子季孫食采

於潘因氏焉晉有潘父楚有潘崇

帝自將征五校大破五校於滎陽 案滎陽之役從帝往

擊者大司馬吳漢建威大將軍耿弇建義大將軍朱祐

執金吾賈復偏將軍馮異強弩將軍陳俊左曹王常騎

都尉臧宮也說文魏郡有滎陽鄉讀若錡

以廷尉岑彭為征南大將軍率八將軍討鄧奉于堵鄉

案八將軍者朱祐賈復及建威大將軍耿弇漢忠將軍

王帝武威將軍郭守越騎將軍劉宏偏將軍劉嘉耿植也

三年以偏將軍馮異為征西大將軍 晉書職官志云四

征起于漢代

與赤眉戰於回溪禹異敗績 案回溪之役鄧禹馮異與

車騎將軍鄧宏同敗本紀不及鄧宏未知何故

立皇考南頓君以上四廟 春陵節侯鬱林太守鉅鹿都

尉南頓令也

餘眾南向宜陽 南向馮異傳作東走說詳馮異傳

遣吳漢率二將軍擊青犢于軹西 案二將軍者建威大

將軍耿弇虎牙大將軍蓋延也

後漢書辨疑卷一

五

李氏氏編

大破鄧奉于小長安 小長安在南陽郡育陽縣

吳漢率七將軍與劉永將蘇茂戰於廣樂 七疑當作二

吳漢傳云率驃騎大將軍杜茂彊弩將軍陳俊等圍蘇

茂于廣樂

征南大將軍岑彭率三將軍伐秦豐 三將軍傳俊臧宮

劉宏也

四年遣右將軍鄧禹率二將軍與延岑戰於武當 案二

將軍復漢將軍鄧暹輔漢將軍于匡也

遣大司馬吳漢擊五校賊于箕山 案是時漢與彊弩將

軍陳俊前將軍王梁同往本紀不言率二將軍似略

遣征虜將軍祭遵率四將軍討張豐于涿郡 案四疑當

作三三將軍者建義大將軍朱祐建威大將軍耿弇驍

騎將軍劉喜也 遣揚武將軍馬成率三將軍伐李憲 案三將軍者誅虜

將軍劉隆振威將軍宋登射聲校尉王賞也

遣建義大將軍朱祐率二將軍圍秦豐於黎丘 案二將

軍者破姦將軍侯進輔威將軍耿植也

五年大司馬吳漢率建威大將軍耿弇擊富平獲索賊於平

原 案是役也耿弇而外有漢忠將軍王常

復遣耿弇率二將軍討張步 二將軍騎都尉劉歆太山

太守陳俊也

遣征南大將軍岑彭率二將軍伐田戎於津鄉 案二將

後漢書辨疑卷一

六

李氏氏編

軍者傳俊及威虜將軍馮駿也

注蔚宗序例云帝紀畧依春秋唯字彙日食地震皆餘悉

備於志 案序例之說得史體矣符瑞之屬當具于五

行志范志雖失傳其書固有五行志也見蔡邕傳今紀

中建武十二年甘露降南行唐黃龍見東阿十七年有

五鳳皇見於潁川郡縣永平十一年灤湖出黃金時麒

麟白雉醴泉嘉禾所在出焉建初三年零陵獻芝草四

年甘露降泉陵洮陽二縣五年零陵獻芝州有八黃龍

見于泉陵元和二年鳳皇集肥城桓帝之世更史不絕

書何自相刺謬耶

盧芳自稱天子於九原 案芳傳于建武元年匈奴已立

為帝矣

交趾牧鄧讓率七郡太守遣使奉貢 七郡太守胡江夏

太守侯登武陵太守王堂長沙相韓福桂陽太守張福

零陵太守田翁蒼梧太守杜穆交趾太守錫光也見岑

彭傳章懷以七郡為南海蒼梧鬱林合浦交趾九真日

南其也

六年遣虎牙大將軍蓋延等七將軍從隴道伐公孫述

七將軍者蓋延及征虜將軍祭遵建威大將軍耿弇捕

虜將軍馬武驍騎將軍劉歆武威將軍劉尚漢忠將軍

王常也

遣前將軍李通率二將軍與公孫述將戰于西城 案二

將軍謂破姦將軍侯進討虜將軍王霸也

隗囂遣將行巡寇扶風 廣韻行姓周有大行人之官其

後氏焉

七年公孫述立隗囂為朔寧王 朔寧取其綏靜北方

省長水射聲二校尉官 耿國為射聲校尉因罷此官更

拜駙馬都尉是也

八年殺隗囂守將 囂將金梁也

高句驪王遣使奉貢 初王莽更名高句驪王為下句驪

侯王是始復其王號

九年遣大司馬吳漢率四將軍擊盧芳將賈覽於高柳

四將軍謂討虜將軍王霸橫野大將軍王常建義大將

軍中郎將來歙監征西大將軍馮異等五將軍討隗純於

天水 五將軍謂馮異及建威大將軍耿弇虎牙大將

軍蓋延揚武將軍馬成武威將軍劉尚也

後漢書校尉官 西羌傳同然溫序于建武六年已為

譙光校尉似非九年始置矣見獨行傳

十年大司馬吳漢率捕虜將軍王霸等五將軍擊賈覽於

高柳 案五疑當作四王霸傳云明年霸復與吳漢等

四將軍出高柳擊賈覽捕虜將軍馬武也此當作討虜

建武五年拜霸為討虜將軍

大破隗純於落門 續漢志漢陽莫縣有雒門聚雒與落

同

後漢書辨疑卷一 八 李氏氏銅

來歙率諸將擊羌于五谿 諸將謂虎牙大將軍蓋延武

威將軍劉尚大中大夫馬援也

十一年征南大將軍岑彭率三將軍 案三將軍謂誅虜

將軍劉隆輔威將軍臧宮驍騎將軍劉歆也

破公孫述將王元環安於下辯注縣名 案下辯道名地

理志有下辯道郡國志脫道字攷隸釋武都丞等題名

有下辯道長任詩注云縣名非也

十二年九真徼外蠻夷張遊率種人內屬封為歸漢里君

夷疑當作里故封游為里君也章懷云里蠻之別號

今呼為俚人

十三年皆襲爵為王不應經義 朱祐傳祐奏古者人臣受封不加王爵可改諸王為公帝即施行

以周承休公姬常為衛公 前書恩澤侯表云建武二年

五月戊辰更常為周承休侯五年侯武嗣十三年更為

衛公今范書侯作公十三年更封仍作姬常不云姬武

未知孰是

益州傳送公孫述替帥郊廟樂器葆車輿輦 與當作輿

廣漢徵外白馬羌豪率種人內屬 樓登等率五千餘戶

內屬封為歸義君長

日南徵外蠻夷獻白雉白兔 日南南蠻傳作南越

十四年封孔子後志為褒成侯 此即成亭侯也孔僖傳

後漢書辨疑卷一

九

謂初封褒成至孔損徙封褒亭非是

是歲會稽大疫注會稽今越州縣 陳景雲曰是時會稽

理吳至順帝分置吳郡徙會稽理山陰乃為唐之越州

地耳注微誤

十五年徙馬門代郡上谷三郡民置常關居庸關以東

案常關當從南匈奴傳作常山關吳漢傳作常關亦誤

陛下德橫天地興復宗統 橫與光古字通言聖德光乎

天地也

陛下恭讓克讓 上讓字誤闕本作謙

十六年交趾女子微側反略有城邑 略六十五城自立

為王

又以畏慎捐城委守者皆不以為負 捐城通鑑作損怯

自是牛馬放牧邑門不閉 通鑑牧放下有不收二字

十七年二月乙亥晦日有食之 乙亥五行志作乙未

進幸葉章陵注葉縣屬南郡 案葉章陵俱屬南陽注云

南郡誤

五月乙卯車駕還宮 上云四月乙卯南巡狩則五月未

得又有乙卯二者必有一誤

其餘九國公皆即舊封進爵為王 案光武十王傳云臨

淮懷公衡建武十五年立未及進爵為王而薨無子國

除本紀諸公進爵在十月臨淮公衡薨在六月則進爵

為王者止有楚東海濟南東平淮陽山陽左瑯邪八王

後漢書辨疑卷一

十

不得云九國皆因舊國封也

十八年遣大司馬吳漢率二將軍討之 二將軍謂劉尚

臧宮也

甲寅西巡狩 甲寅杜篤傳作甲辰

十九年脩西京宮室 脩宮室事詳見杜篤傳

二十年大司徒戴涉下獄死 實融傳云戴涉坐所舉人

盜金下獄帝以三公參職不得已乃策免融涉所坐之

罪當以融傳為正注疑誤

東夷韓國人率眾詣樂浪內附 韓國人即韓國廉斯人

蘇馬提也

二十一年安定屬國胡叛屯聚青山 青山在參縣縣參

蘇故屬安定郡國志屬北地

二十二年大司空朱浮免 坐賣弄國恩

使中郎李茂報命 匈奴傳作中郎將閻本監本俱有將

字

匈奴北徙幕南地空 幕烏桓傳作漠

二十三年南郡蠻叛 潯山蠻雷遷等寇掠

高句驪率種人詣樂浪內屬 種人蠶支落大加戴升等

也

二十四年於是伏波將軍馬援率四將軍討之 伏波上

當有遺字四將軍謂馬武耿舒劉匡孫永也

二十五年遼東徼外貊人 貊人即句驪也東夷傳作句

驪案本紀東夷傳並云元初五年高句驪與濊貊寇元

菟則句驪與濊貊明是兩國傳作句驪紀作貊人者以

句驪一名貊耳也

寇右北平漁陽上谷太原 陳景雲曰太原二字非衍即

誤貊人入寇東邊諸郡耳不能西至太原內地也東夷

傳同

烏桓大人率眾內屬 烏桓大人郝且既于春閒來朝矣

後又率眾九百餘人內屬故復記之

二十六年詔有司增百官奉 西京百官受奉之制前書

不載顏師古注百官表所云漢制典章懷引續漢志相

同今本百官志與章惟比六百石顏注云六十斛為小

懷所引微有不同

異耳顏注大率即用續志其增減之數不可攷矣

二十七年益州郡徼外蠻夷 哀牢王賢栗也

魯王興齊王石始就國 帝問趙熹以久長之計熹請遣

諸王就國帝從其議

二十八年淮陽王延始就國 延于次年入朝見第五倫

傳

三十年十一月乙酉至自魯 迎鑾作丁酉

三十一年陳留兩穀形如稗實 論衡感虛篇云建武三

十一年陳留兩穀穀下蔽地案視穀形若茨而黑有似

于稗實也

中元元年 隸釋成都有漢蜀郡太守何君造尊榱閣碑

其末云建武中元二年六月就按范史本紀建武止三

十一年次年改為中元書為中元元年觀此所刻乃是

雖別為中元猶冠以建武如文景中元後元之類也又

祭祀志載封禪後赦天下詔明言改建武三十二年為

建武中元元年東夷倭國傳建武中元二年來奉貢證

據甚明宋莒公紀元通譜云紀傳俱出范史必傳寫脫

誤學者失于精審以意刪去梁武帝大同大通俱有中

字是亦憲章於此

淮陽王延趙王旰 旰傳作榻

丁卯東巡狩二月己卯幸魯進幸太山 馬第伯封禪儀

記云車駕正月二十八日發雒陽宮二月九日到魯十

記云車駕正月二十八日發雒陽宮二月九日到魯十

二日宿奉高十五日始齋登封

登封太山甲午禪于梁父 先是三十年二月太尉趙熹

上言宜封泰山帝不許至三十二年正月上讀河圖會

昌符曰赤劉之九會命岱宗之文乃詔梁松等復案索

河雒讖文言九世封禪事松等列奏乃許焉

是歲初起明堂靈臺辟雍 楊街之雒楊記云平昌門直

南大道東是明堂大道西是靈臺

隴西太守劉盱遣軍救之 道從事辛都監軍掾李苞也

論曰生光武於縣舍有赤光照室中 論衡吉驗篇云光

武帝建平元年十二月甲子生於濟陽宮後殿第二內

中皇考為濟陽令時夜無火室內自明皇考性之即出

後漢書辨疑卷一

圭

高李沈氏

功曹史充蘭使出門卜工蘭與馬下卒蘇永俱之卜王

長孫所長孫卜謂充蘭曰此吉事也毋多言王長孫本

紀作王長

是歲縣界有嘉禾生一莖九穗 吉驗篇云是歲有禾生

景天備火中三本一莖九穗長于禾一二尺蓋嘉禾也

氣佳哉鬱鬱蔥蔥然 吉驗篇云王莽時謂者蘇伯阿能

望氣使過春陵城郭鬱鬱蔥蔥及光武到河北與伯阿

見問曰卿前過春陵何用知其氣佳也伯阿對曰見其

鬱鬱蔥蔥耳

遠望舍南火光赫然屬天有頃不見 吉驗篇云元帝之

初有鳳皇下濟陽宮故今濟陽宮有鳳皇廬始與李文

等俱起到柴界中遇賊兵惶惑走濟陽舊廬比到見光
若火正赤在舊廬道南光耀憤憤上屬天有頃不見

後漢書辨疑卷一終

後漢書辨疑卷一

圭

高李沈氏

後漢書辨疑卷二

嘉定錢大昭晦之甫學

明帝紀

顯宗孝明皇帝諱莊 初名陽後改名莊

帝生而豐下 左傳穀也豐下必有後於魯國

監捕虜將軍馬武等二將軍 二將軍馬武及中郎將王

豐也

方春戒節人以耕桑其勅有司務順時氣 樊儵傳儵議

刑辟宜須秋月以順時氣顯宗從之襄楷傳永平舊典

一諸當重論皆須冬獄先請後刑

永平元年帝率公卿以下朝於原陵 水經注光武葬臨

後漢書辨疑卷二

一 精李沈氏編 疑斗齋叢書

平亭南西望平陰大河逕其北

二年朕親袒割 文選東京賦注引東觀記割下有牲字

其賜榮爵關內侯食邑五千戶 賜桓榮爵而不及李躬

疑有脫文

有司其存者盍 存謂存問之

歷覽館邑 館邑御覽九十一引東觀記作館舍邑居

護羌校尉竇林下獄死 坐欺罔及減罪

三年改大樂為太子樂 曹褒傳尚書璇璣鈴曰有帝漢

出德洽作樂名予明帝善之下詔改太樂官曰太子樂

蔡邕禮樂志云漢樂四品一曰大予樂典郊廟上陵殿

諸食舉之樂二曰周頌雅樂典辟雍饗射六宗社稷之

樂三日黃門鼓吹天子所以宴樂羣臣四曰短簫鏡歌

軍樂也通鑑注引之

車駕從皇太后幸章陵觀舊廬 建武六年改春陵鄉為

章陵縣

四年河南尹范遷為司徒 遷字子廬沛國人附見郭丹

傳

六年易曰鼎象三公 今易無此文當是易緯

示不為詔于蚩也 蚩笑也今俗別作嗤非是

八年注日明則道正不明則政亂 道正閩本作政理

九年為四姓小侯開立學校置五經師 張輔傳云顯宗

為四姓小侯開學于南宮置五經師輔以尚書教授案

後漢書辨疑卷二

二 精李沈氏編 疑斗齋叢書

四姓小侯注以為外戚樊郭陰馬是也攷秦彭傳云永

平中彭以貴人兄隨四姓小侯則但言四姓者特舉后

族耳貴人兄弟亦得隨入南宮學校也

十年十一月徵淮陽延會平輿 閩本作十月

十三年河汴分流復其舊迹 往者汴渠決敗則汴流東

侵而合于河今汴隄既成則汴水東南入泗而充豫無

患河水東北入海而幽冀蒙利故曰復舊迹也

十月壬辰晦日有食之 續漢書志作甲辰注同

齊王石薨 哀王章之子

十四年司徒虞延免自殺 續志云坐與楚王英黨與黃

初公孫宏等交通

五年完城且至司寇五匹 閩本司寇下有作字

徵琅邪王京會良成 良成故屬東海是年更臨淮郡為
下邳國良成縣屬焉

十六年留兵屯伊吾盧城 建初二年罷永建六年復屯

山置伊吾司馬一人

司徒邢穆下獄死 坐與淮陽王延交通知逆謀

十七年正月甘露降於甘陵 甘陵當作原陵陰皇后紀

云永平十七年正月嘗謁原陵夜夢先帝太后遂率百

官上陵其日降甘露于陵樹即其事

二月癸丑 南雍本閩本俱作三月

初置西域都護戊巳校尉 案西域都護是年初置不知

罷于何時和帝紀永元三年復置安帝紀永初元年復

能志亦不載戊巳校尉是年初置章帝紀建初元年罷

西域傳建初三年復置嗣後復罷和帝紀永元三年復

置志皆不載

十八年完城且司寇五匹 閩本司寇下有作字

館陶公主為子求郎 公主光武女紅夫也適韓光

有非其人則民受其殃 有閩本作苟

章帝紀

開祀悉還更衣 惠士奇曰東京廟制異室同堂合祭於

堂是為正殿開祀於室是為便殿便殿為更衣則開祀

非正祭矣西京舊制日祭於寢月祭於廟時祭於便殿

寢日四上食廟歲二十五祠便殿歲四祠則便殿乃時

祭也與東京不同而開祀皆於陵寢諸儒以為非禮而

罷之

建初元年詔三州郡國 三州充豫徐也

舉賢良方正能直言極諫之士各一人 時對策者百有

餘人唯魯丕在高第除為議郎

三年罷常山呼沱石臼河漕 續志南行唐有石臼谷

注即今岷山之州 山之二字衍

四年 是歲平春王全薨紀失書

七年西巡狩以中牢祠蕭何霍光 韋彪傳云彪建言今

西巡舊都宜追錄高祖中宗功臣褒顯先勲紀其子孫

乃制詔京兆尹右扶風求蕭何霍光後時光無苗裔唯

封何末孫熊為鄉侯

八年三月辛卯葬東平憲王 辛卯傳作己卯

北匈奴大人率眾款塞降 案三木樓皆大人稽留斯等

率三萬八千人款五原塞降

元和元年詔曰往者大獄已來掠考多酷鉗鑽之屬慘毒

無極 是時承永平故事吏政尚嚴切尚書決事率近

于重尚書陳寵上言宜蕩滌煩苛之法輕薄箠楚帝納

之遂詔有司絕鉗鑽諸慘酷之科解妖惡之禁除文致

之請讞五十餘事定著于令

二年人有產子者復勿算三歲 復復其夫也

以輕為德 謂以輕為沽譽鈞名市思德于下

詔曰今山川鬼神 是詔祭祀志作正月其詔書詳見劉

昭注中

使使者祠唐堯於成陽靈臺 成陽靈臺碑云慶都僊汝

蓋葬於茲欲人莫知名曰靈臺上立黃屋堯所奉祠遂

遭亡新禮祠絕矣於是廷尉仲定奏請脩治帝納其謀

洪景伯曰兩漢志不言靈臺為母冢據此碑及述征記

靈臺非堯冢明矣

其二王之後 謂宋公衛公

復博奉高贏無出今年山租芻糞 奉高告祠明堂之所

博贏柴告岱宗之所故賜復也

後漢書辨疑卷二

五

楊李沈氏編

以為王者生殺宜順時氣 漢舊事斷獄報重常盡三冬

之月是時帝始改用冬初十月見陳寵傳

三年解釋怨結也 怨結闕本作結冤

遣使者祠北嶽出長城 此是趙地注以為蒙恬所築長

城非也

幸安邑觀鹽池 楊佺期洛陽記云河東鹽池長七十里

廣七里山海經所謂鹽販之澤也

章和元年護羌校尉劉討之 劉旰西羌傳鄧訓傳並

作張紆案劉旰係隴西太守非護羌校尉旰之為羌所

敗在光武中元二年距此時已三十餘年其人未必尚

在當作張紆

死罪囚犯法在丙子赦前而後捕繫者皆減死勿笞詣金

城戍 先是四月丙子赦天下繫囚減死罪一等勿笞

詣金城戍時廷尉郭躬上言今死罪亡命無慮萬人自

赦以來捕得甚眾而詔令不及獨不沾澤臣以為赦前

犯死罪而繫在赦後可皆勿笞詣金城帝善之故復有

是詔

乙未晦日有食之 盧氏文昭曰五行志作元和誤也攷

是年七月九月俱丙申朔與八月乙未正合若元和元

年八月是甲寅朔九月是甲申朔安得八月乙未晦乎

月氏國遣使獻扶拔師子 月氏國疑當作安息國案西

域傳安息國章和元年遣使獻師子符拔大月氏國不

後漢書辨疑卷二

六

楊李沈氏編

載其事

和帝紀

孝和皇帝諱璜 說文以璜為上諱必不有璜許氏不加

解釋安知其無始訓惟尊君之意不敢加詰訓耳章懷

謂伏侯許慎並漢時人而帝諱不同蓋古今注譌為羣

字耳

章和二年二月壬辰即皇帝位 二當作正章帝以正月

壬辰崩則和帝即位在此日

朕且佐助聽政 蔡邕獨斷云少帝即位太后即代攝政

臨前殿朝羣臣太后東面少帝西面羣臣上書奏事皆

為兩通一謂太后一謂少帝

永元元年度遼將軍鄧鴻出柶陽塞 案度遼將軍至元

初年始授為其此度遼上脫行字

二年紹封汝淮陽王 嗣子側為常山王 案嗣子章和元

年七月薨無子國絕至是復以嗣小子紹封乃特恩也

胡三省謂未及立嗣國有大喪今乃紹封誤矣若例得

襲封即于章和元年嗣位雖國有大喪何必遲至三年

之久邪

遺前校尉閻磬討北匈奴 磬當作磬閻本有注云磬音

力公反汲古閣本脫此注寶憲傳作盤西域傳作槃竝

誤

取伊吾盧地 永平十六年留兵屯伊吾盧建初二年為

後漢書辨疑卷二 七 魏李沈氏

北匈奴所據至是仍取之也

三年正月甲子 續志云正月甲子若丙子為吉日可加

元服

皇帝加元服 是時冠禮蓋即用曹褒新禮故擢褒為羽

林左監

尊太后母比陽公主為長公主 漢制皇女皆封縣公主

儀服同列侯其尊崇者加號長公主儀服同蕃王其後

安帝桓帝妹亦封長公主今尊東海恭王彊女為長公

主因皇太后母故特尊崇之

注廟記云曹參冢在長陵旁道北 廟閻本作廣

復置戊己校尉官 此時復置從馮豹之請也校尉領兵

五百人居車師前部高昌壁

四年注東觀記曰賜玉具劍 匈奴傳作玉劍四具

武陵零陵澧中蠻叛 案武陵澧中蠻零陵澧中蠻也單

舉澧中似脫澧中

詔以勃海郡屬冀州 勃海故屬幽州今改屬

七年度遼將軍朱徽 此度遼將軍上亦當有行字

易陽地裂 易陽屬趙國

八年自死罪已下至司寇 閻本司寇下有作字

九年及揮國重譯奉貢 揮國王名雍由調

注益字君玉 案魯恭傳注引漢官儀作君上

十年復置廩犧官 續志掌祭祀犧牲鴈鶩之屬屬河南

後漢書辨疑卷二 八 魏李沈氏

尹

十三年及條枝大爵 西域傳云條支大爵其卵如甕

十四年徙金城西部都尉以戍之 案建武六年罷郡國

都尉官并職太守金城是邊郡故仍置之

初置象林將兵長史官 時象林蠻夷反叛初平故置之

十五年疾病加至醫藥 至閻本作致

復置涿郡故鹽鐵官 鹽當作安地理志涿郡有鐵官而

無鹽官郡國志注有鐵官于故安下劉昭曰案本紀永

元十五年復置是故安之為故鹽流俗人妄改也閻本

亦誤

是秋四州雨水 四州充豫徐冀也

是歲初令郡國以日北至案薄刑 舊制至立秋乃行薄刑自永元十五年後改用孟夏和帝末下令麥秋得案驗薄刑而州郡好以苛察為政因此遂盛夏斷獄見魯恭傳

十六年方察煩苛之吏顯明其罰 罰閩本作罪

元興元年高句驪寇郡界 入遼東寇略六縣

遼東太守耿夔擊貊人破之 貊人即高句驪也耿夔傳亦作貊人說詳光武紀

舊南海獻龍眼荔支 本艸龍眼一名益智圖經云似荔支而葉微小凌冬不凋唐慎微經史證類備用本草以龍眼荔支為二物

後漢書辨疑卷二

九

構李沈氏制

安帝紀

孝殤皇帝諱隆 御覽九十一引東觀漢記云和帝皇子

數十生者輒夭故殤帝養於民

延平元年朕且權佐助聽政 閩本權下有禮字

其減太官導官尚方內署諸服御珍膳靡麗難成之物

內署當作內者注亦誤續志少府屬官有內者令一人

六百石左右丞各一人注云掌中布張諸衣物舊時太

官湯官經用歲且二萬萬和熹鄧太后勅止日殺省珍

費自是裁數千萬及郡國所貢皆減其過半

安帝紀

和帝稱之 閩本和帝下有常字

鄧太后特詔留帝清河邸 帝下閩本有於字

孝章帝世嫡皇孫 孝章下閩本有皇字

清河王薨 清河王慶不名殆以帝父之故然勃海王鴻

質帝之父仍稱名疑此脫慶字

永初元年蜀郡徵外羌內屬 案青衣道夷令由與徵外

三種夷舉十內屬又龍橋等六種萬七千餘口內屬

以廣成游獵地及被災郡國公田假與貧民 從太傅張

禹及御史中丞樊準之請也

永昌徵外僦僮種夷貢獻內屬 王名陸類獻象牙水牛

封牛

九真徵外夜郎蠻夷舉土內屬 開境千八百四十里

後漢書辨疑卷二

十

構李沈氏制

河東地陷 續漢書曰河東楊地陷東西百四十步南北

百二十步深三丈五尺

倭國遣使奉獻 倭國王帥升等獻生口百六十人願請

見

二年為種羌所敗於冀西 西羌傳作鍾羌

遣光祿大夫樊準呂倉 時樊準為御史中丞因奉詔出

使故守光祿大夫

蜀郡徵外羌舉土內屬 薄中等八種三萬六千餘口內

屬

三年四月丙寅大鴻臚九江夏勤為司徒 禮儀志注引

丁孚漢儀有夏勤策文云維元初六年三月甲子制詔

以大鴻臚勤為司徒曰朕承天序惟稽古建爾于位為
尊輔往率舊職敬敷五教五教在寬左右朕躬宣力四
表保乂皇家於戲實惟秉國之均旁祇厥緒時亮天工
可不慎與勤而戒之據此則夏勤之由大鴻臚為司徒
非永初三年四月丙寅也疑史家之誤

海賊張伯路等 陳忠傳作勃海賊

四年度遼將軍梁懂 度遼上脫行字說見和帝紀

注凡諸子百六十九家 六當作八闕本不誤

先零羌寇襲中 先零西羌傳作滇零先零部落也滇零
人名也

郡國九地震

九續志作四

後漢書辨疑卷二

十一

續李沈氏
續斗書叢書

五年郡國十二地震 續志無二字

夫餘夷犯塞 步騎七八千寇鈔樂浪

六年太常劉凱為司空 凱當作愷

七年注周禮司職曰 司下脫巫字南監本有巫字

元初元年先零羌敗涼州刺史皮陽 西羌傳作皮楊廣

韻皮姓出下邳案前書儒林傳有邳邪皮容

十一月是歲郡國十五地震 十一月下有脫文

二年洛陽新城地震裂 續漢書無震字

右扶風仲光 風俗通云凡氏于字伯仲叔季是也湯左

相有仲虺見廣韻

郡國地震 郡國下脫十字續志及闕本並不脫

三年東平陸上言木連理注序例曰凡瑞應自和帝以上

政事多美近于有實故書見於某處自安帝以下王道

衰缺容或虛飾故書某處上言也 案序例之說亦未

盡然桓帝紀建和元年芝草生中藏府二年嘉禾生大

司農帑藏永壽元年白鳥見齊國延熹八年南宮嘉德

署黃龍見濟陰東郡濟北河水清九年濟陰東郡濟北

平原河水清桓帝政事有何可美而不書上言皆自亂

其例

三月辛亥日有食之 月之二日也是月庚戌朔

越嶲徼外夷舉種內屬 大羊等八種

初聽大臣二千石刺史行三年喪 劉愷傳云舊制公卿

後漢書辨疑卷二

十三

續李沈氏
續斗書叢書

二千石刺史不得行三年喪由是內外眾職並廢喪禮

元初中鄧太后詔長吏以下不為親行服者不得典城

選舉陳忠因上言孝宣帝舊令人從軍屯及給事縣官

者大父母死未滿三月皆勿徭令得葬送請依此制太

后從其言宦豎不便之建光元年從尚書令祝諷尚書

孟布等議復斷大臣二千石以上服三年喪

四年二月乙卯大赦天下壬戌武庫災 據五行志武庫

災在是年十月八日壬戌二月是乙亥朔其月不得有

乙卯壬戌蔚宗誤矣

三郡雨雹 續志云大如杆杯及雞子殺六畜

方今案比之時 案周禮小司徒掌九比之數以辨貴賤

老幼廢疾凡征役之施舍乃頒比法于六鄉及三年則
大比鄉大夫以歲時登其夫家之眾寡辨其可任者而
征之其舍者則貴者賢者能者服公事者老者疾者以
歲時入其書鄭司農云九比者九夫為井五家為比故
以比為名今八月案比是也

六年鮮卑寇馬城 馬城疑即馬邑屬雁門郡

永寧元年六月沈氏種羌叛寇張掖 案三月中已書沈

氏羌寇張掖矣此沈氏以下八字重出

永昌徼外揮國遣使貢獻 揮國王即雍由調也獻樂及

幻人能變化吐火自支解易牛馬頭

夫餘王遣子詣闕貢獻 夫餘王子名尉仇台

後漢書辨疑卷二 十三 李沈氏銅

建光元年幽州刺史馮煥率二郡太守討高句驪 煥傳

作煥二郡太守元菟太守姚光遼東太守蔡諷也

鮮卑圍烏桓校尉與馬城 與當作於

冬十一月己丑郡國三十五地震 續志作九月

鮮卑寇元菟 案是年秋寇元菟者句驪與馬韓濊貊也

見東夷傳此紀以為鮮卑誤也鮮卑傳無此事

延光元年度人羌叛攻穀羅城 續志西河無穀羅縣前

志有之蓋後來并省而此時尚未省也

九月甲戌郡國二十七地震 甲戌續志作戊申

是歲度人羌反攻穀羅城度遠將軍耿夔討破之 度人

羌以下十七字重出閩本亦誤

三年京師及郡國三地震 續志作京都郡國三十二地
震

三年初復右校令左校丞官 據百官志當云初復左右
校令丞官此誤

四年祠定王節侯鬱林府君 南頓君廟在濟陽故不與
焉而鉅鹿府君何以獨遺之或轉寫偶脫耳

東海王肅薨 光武曾孫靖王政之子也

後漢書辨疑卷二終

後漢書辨疑卷二 十四 李沈氏銅

後漢書辨疑卷三

嘉定錢大昭晦之甫學

順帝紀

永建元年為父後三老孝弟力田三級 力田下闕本有人字

年老劣弱不任單事者上名 單闕本作軍

四年帝加元服 案和安桓三帝皆云皇帝加元服此亦

嘗有皇字

六年注及揮國王雍田 雍田西南夷傳作雍由調

陽嘉元年初令郡國舉孝廉限年四十以上 是時左雄

奏請自今孝廉年不滿四十不得察舉皆先詣公府請

生試家法文吏課牋奏有不承科令者正其罪法若有

茂才異行自可不拘年齒帝從其議

東平王敞薨 敞光武曾孫懷王忠之子也

復置元菟郡屯田六郡 六郡當從東夷傳作六部

二年復置隴西南部都尉官 案馬防傳云建初二年羌

豪布橋等圍南部都尉于臨洮則肅宗時有此官也此

云復置則不知廢于何時

洛陽地陷 續漢書云洛陽宣德亭地圻長八十五丈近

郊地

大鴻臚沛國施延為太傅 太傅當作太尉

四年初聽中官得以養子為後世襲封爵 順帝登極皆

中官之力故加恩於宦者獨優嗣後貂璫之徒固寵乘
權政令于是乎出魏武因之至遷九鼎史家特書此以
著履霜墜冰之戒

梁王匡薨 匡明帝曾孫恭王堅之子也

濟北王登薨 登章帝孫惠王壽之子也

永和元年假師蝗 假師屬河南尹

十月丁亥承福燬火 丁亥五行志作丁未

二年北海王昱薨 翼靖王興之元孫頃王普之子也

四月丙申京師地震 丙申續志作庚申

三年殺江都長 江都屬廣陵郡

率眾詣徐州刺史應志降注志曾祖父順 案應奉亦是

順之曾孫是應志與應奉為昆弟也

琅邪王遵薨 遵光武子孝王京之曾孫也本傳及安帝

紀俱作尊

濟北王多薨 多章帝孫節王登之子也

四年封故濟北惠王壽子安為濟北王 安本傳作安國

五年中山王宏薨 宏光武子簡王焉之孫也

六年河間王政薨 政章帝孫孝王開之子也

太僕趙戒為司空注戒字志伯 案志伯乙瑛碑作意伯

避桓帝名

齊王無忌薨 無忌哀王章曾孫王晃之子也

漢安元年遣侍中杜喬光祿大夫周舉守光祿大夫郭遵

馮羨樂巴張綱周栩劉班等八人分行州郡班宣風化

遵兗州刺史羨前青州刺史巴尚書綱侍御史班太

尉長史八人皆耆儒知名

二年遣詣臨羌縣居作二歲 臨羌屬金城郡

趙冲擊燒當羌于阿陽 阿陽監本作河陽誤

建康元年沛王廣薨 廣光武元孫節王正之子也

清和延平薨 延平章帝曾孫愍王虎威之子也

冲帝紀

帝山王儀薨 明帝曾孫靖王章之子也

永嘉元年 史繩祖學齋估畢云淳熙二年邛州蒲江縣

上乘院僧增築大殿闢地得封石有文云永嘉元年二

後漢書辨疑卷三

三

漢李沈氏編

月十二日蜀郡臨邛漢安鄉安定里公乘校官掾王幽

字珍儒凡二十九字以為即冲帝紀元今本作嘉字之

誤也今案左雄傳中有迄于永嘉察選清平之文嘉即

憲之譌此作永嘉誤也

質帝紀

廣陵賊攻殺堂邑江都長 堂邑當稱令賈鳳碑鍾離意

傳並云堂邑令

九江賊攻殺曲陽東城長 案東陽縣前志本屬九江郡

建初四年以東城益下邳國今云九江者或國王以過

見前仍隸九江也

彭城王道薨 道明帝孫靖王恭之子也

濟北王安薨 安傳作安國章帝孫惠王壽之子也

憲陵次泰陵 泰當作恭恭陵安帝陵也

阜陵王代薨 代光武元孫

廬江盜賊攻尋陽又攻盱台 尋陽縣屬廬江郡盱台縣

屬下邳國

桓帝紀

以玉青蓋車 玉當作王注亦誤

太后猶臨朝政 猶臨者不必臨也

齊王喜薨 哀王章元孫惠王無忌子也

建和元年起陵塋於歷時歲 珍闕本作彌

注以順帝陽嘉中封敦為道亭侯 敦為二字當乙闕本

後漢書辨疑卷三

四

漢李沈氏編

亦誤

芝草生中黃藏府 續志少府屬官有中藏府令一人六

百石丞一人本注云掌中幣帛金銀諸貨物此云中黃

疑衍黃字注亦誤

大司農杜喬為太尉 案杜喬傳喬由大司農遷大鴻臚

光祿勳然後為太尉此以為由大司農遷疑本紀誤也

二年四姓及梁鄧小侯 永平九年本初元年並言四姓

小侯至是增入梁鄧矣

三年彭城王定薨 定明帝曾孫

和平元年近慕先姑歸授之法 先姑謂安思閭后也閭

后貪立幼主久專國政北鄉早夭又欲徵立藩輔迫順

帝即位退處離宮迫于勢之不得已耳以云歸授難矣
哉梁后正月授政二月即崩實因病劇不能臨朝耳非
真欲效復子明辟也

元嘉元年河閒王建薨 章帝曾孫惠王政之子

安平王得薨 明帝六世孫

武陵蠻叛 詹山等四千餘人

任城王崇薨 東平憲王曾孫任城貞王子也

二年常山王豹薨 明帝元孫頃王儀子

永興元年三月丁亥幸鴻池 是月丙子朔丁亥十二日

濟南王廣薨 光武元孫釐王顯之子也

詔在所服給乏絕 在所闕本作所在

後漢書辨疑卷三

五

李沈氏制
對平齋叢書

二年初聽刺史二千石行三年喪服 此制安帝元初中

已行之而建光中復斷之謂孝文皇帝定約禮之制光

武皇帝絕告寧之典貽則萬世誠不可改宜復建武故

事也至是時從司空掾趙岐之請乃復行之故又言初

聽耳未及四年而復斷之官豈乘權朝更莫改但取勢

位利祿而已又安知三年之愛于其父母乎

永壽二年東海王臻薨 臻光武元孫頃王肅子

三年初以小黃門為守宮令 小黃門宦者為之守宮令

主御紙筆墨及尚書財用諸物

注縣名屬長沙郡 郡當作國

延熹元年分中山置博陵郡以奉孝崇皇園陵 案博陵

有安國蓋吾安平高陽南深澤信都等縣蓋分中山安

平河閒所置不獨分中山也何以知之劉祐傳云祐中

山安國人也安國後別屬博陵隸釋靈臺碑有博陵蠡

吾管遵又博陵太守孔彪碑陰有博陵安平六人博陵

安國三人博陵高陽一人博陵南深澤二人俱故吏案

續志安國蓋吾屬中山安平南深澤信都屬安平高陽

屬河閒也王氏取予說以入商榷而誤以為獻之說獻

之于東漢無著述

二年阜陵王便薨 便傳作便親光武元孫也節王代之

兄

屯騎校尉梁驤 驤闕本作讓傳亦作讓

後漢書辨疑卷三

六

李沈氏制
對平齋叢書

三年太常虞放為司空 案虞延傳放以尚書為司空

武陵蠻寇江陵車騎將軍馮緄討皆降散 案馮緄為車

騎將軍本紀列傳馮緄碑及度尚傳皆在延熹五年是

年書車騎將軍云云蔚宗誤矣南蠻傳亦誤

四年注永壽三年置 據本紀三當作二

益州刺史山昱 廣韻山姓周有山師之官掌山林後以

官為氏或云古烈山氏之後大昭案王莽傳云封山遵

為襄謀子奉泉陶後是山姓為泉陶苗裔也

五年濟北王次薨 次章帝曾孫釐王安國之子也

滇那羌寇武威張掖酒泉 案皇甫規招降之

七年沛王榮薨 榮光武六世孫孝王廣之子

宋王成薨 成明帝曾孫恭王堅之子

趙王乾薨 孝王良元孫靖王宏之子

野王山上有死龍 案襄楷傳云七年六月十三日河內

野王山上有龍死長可數十丈續漢書作六月壬子此

云七月似誤

八年護羌校尉段熲擊罕姐羌 罕姐闕本作勒姐

永康元年阜陵王統薨 統光武六世孫恭王便親之子

靈帝紀

建寧元年四月戊辰太尉周景薨 案史晨後碑云建寧

元年四月十一日戊子到官據此則是月戊寅朔不得

有戊辰本紀誤

後漢書辨疑卷三

七

補李沈氏銅

大鴻臚許栩為司空 案魏志和洽傳注引汝南先賢傳

稱栩沈沒榮利官以賄成

三年執金吾董寵下獄死 坐矯稱永樂宮屬請

鬱林烏潯民相率內屬 開置七縣

四年帝加元服 帝上常有皇字說見順帝紀

河東地裂 續志云地裂十二處合長十里百七一步廣

者三十餘步深不見底

七月癸丑立貴人宋氏為皇后 禮儀志注云維建寧四

年七月乙未制詔皇后之尊與帝齊體供奉天地祇承

宗廟母臨天下故有莘與殷姜任母周二代之隆蓋有

內德長秋宮闕中宮曠位宋貴人秉淑媛之懿體山河

之儀威容照曜德冠後庭羣寮所咨僉曰宜哉卜之著

龜卦得承乾有司奏議宜稱絳組以臨兆民今使太尉

襲使持節奉璽殺宗正祖為副立貴人為皇后其往踐

爾位敬宗禮典肅填中饋無替朕命永終天祿據此策

文則宋后之立是乙未非癸丑也而聞人襲之太尉亦

非罷于三月矣疑本紀誤

熹平元年會稽人許生自稱越王寇郡縣 吳志孫破虜

傳云會稽妖賊許昌起于句章自稱陽明皇帝與其子

韶扇動諸縣與此小異與東觀記亦不同

四年注並無鹽今蒲州安邑縣西南有鹽城監也 案監

字當在上文無鹽之下闕本不誤

後漢書辨疑卷三

八

補李沈氏銅

六年十月癸丑朔日有食之辛丑京師地震辛亥令天下

繫囚罪未決入繯贖 癸丑續志作癸酉按依本紀十

月為癸丑朔則是月不得有辛丑辛亥依續志為癸酉

朔則是月可以有辛丑而辛亥終當在下月也紀疑有

誤

光和二年東平王瑞薨 瑞當作端闕本不誤光武元孫

孝王敞之子也

三年詔公卿舉能通尚書毛詩左氏穀梁春秋各一人悉

除議郎 案儒林傳云建初中詔高才生受古文尚書

毛詩穀梁左氏春秋雖不立學官然皆擢高第為講郎

章帝紀同據此則尚書上脫古文二字

六年冬東海東萊琅邪井中冰厚尺餘 東海五行志作

北海

中平元年安平王續有罪誅 續本傳作續

二年太僕河南張延為太尉 案延河內脩武人此作河

南誤

三年江夏兵趙慈反殺南陽太守秦頡 案羊續傳云攻

沒六縣續為南陽太守討平之

五年注淳于瓊于右校尉 何進傳作佐軍校尉

六年注董重皇后之弟子也 陳景雲曰皇后上脫孝仁

二字據皇后紀當云兄子注弟字亦誤

甘陵王忠薨 忠章帝八世孫貞王定之子

後漢書辨疑卷三

九

李沈氏編 對斗齋叢書

獻帝紀

注靈帝建元四年改平準為中準 建元當作熹平

初平三年太僕魯旭 旭魯恭傳作旭

四年扶風大風雨雹 五行志云雹如斗

琅邪王容薨 容光武七世孫安王據之子

興平元年分安定扶風為新平郡 袁山松曰分安定之

鵝觚右扶風之際

二年少府田芬 五行志作田邠

建安五年十月東海王祗薨 案孔融傳云五年南陽王

馮東海王祗薨帝傷其早歿欲為修四時之祭融曰聖

恩敦睦感時增思悼二王之靈發哀愍之詔臣愚以為

諸在沖黜聖慈哀悼禮同成人加以號謚者宜稱上恩

至一歲之限不合禮意章懷注以為二王並獻帝子也

今本紀建安五年七月立皇子馮為南陽王壬午南陽

王馮薨十月東海王祗薨予初疑紀內止漏書立東海

王祗事東海王祗薨及檢東海恭王彊傳云孝王臻薨

子懿王祗嗣祗立四十四年薨子羨嗣二十年魏受禪

以為崇德侯祗之嗣位在永壽二年至建安五年恰四

十四年孝王之子未必名祗蔚宗見獻帝紀有東海王

祗薨之句遂認為東海恭王之後故以名與年數配合

符符巧為彌縫也獻帝子封東海王者有二人祗薨之

後建安十七年又以東海封皇子敦敦于魏禪之後降

後漢書辨疑卷三

十

李沈氏編 對斗齋叢書

為列侯蓋光武十王傳所云傳至魏禪降為崇德侯者

殊不可信中閒必有廢絕國除之事故以別封若恭王

之國尚存不應以之封皇子祗又以封皇子敦也

七年袁紹薨 袁術僭號故書死紹未改臣節故稱薨

十一年濟北北海阜陵下邳常山甘陵濟陰平原八國皆

除 攷諸王傳齊王承北海康王 阜陵王赦下邳

哀王宜常山王嵩甘陵獻王忠濟北王政平原王碩此

八王皆于建安十一年國除汲古閣本有濟北而無齊

閩本有齊而無濟北兩本俱有濟陰皆誤也是時無濟

陰國此濟北當從閩本作齊下濟陰當作濟北

十六年趙王赦薨 孝王良七世孫

皇后紀上

爵列九品 九文選作八

真定秦人也 地理志真定國有秦城縣郭后居秦縣之

漆里見劉植傳蓋中興省城字

帝善況小心謹慎 善闕本作美

迎后與胡陽寧平主諸宮人 胡陽即湖陽公主光武姊

也寧平公主光武妹

及教授諸小王論語經書 諸小王年幼未封為王亦四

姓小侯之類也

勲尚東海恭王張女沘陽公主 沘當作泚下同

太后愍陰氏之罪廢赦其徙者歸鄉勅還資財五百餘萬

後漢書辨疑卷三

十一

橋李沈氏銅

案赦歸鄉還資財云云已見陰后紀矣此又複見

元初五年平望侯劉毅 毅北海敬王子建初二年封永

元中坐事失侯此當云故平望侯

皇后紀下

詐造司徒劉喜 喜當作憲

注善文曰惲字伯周 陳景雲曰善文書名陶靖節聖賢

羣輔錄亦引之但作者姓名無攷耳隋經籍志不載此

書

詔安平王豹河間王建 豹疑當作續

立七年葬在北邙 在閩本作於

立解續侯宏是為靈帝 續下脫亭字本紀作解續亭侯

注黃門之秩六百石 之當作令

改葬文昭陵儀比敬恭二陵 陳景雲曰謂如恭懷梁后

葬敬西陵恭愍李后葬敬北陵之禮不言西北者省文

耳注非

注王后年六宮之人 年當作率

注夫人天下分后之六宮者 天字當作以

據道大怨 閩本無道字

其餘皇帝之庶母 皇閩本作淮南監本同

注耿弇曾孫侍中良何漢陽公主 案漢陽公主誤當從

傳作濮陽長公主

建武十五年封武陽長公主 武陽二字誤章德實后紀

後漢書辨疑卷三

十一

橋李沈氏銅

及鄧訓傳並作舞陰長公主

世祖五女 案竇融長子穆尚內黃公主內黃縣名當是

縣公主亦光武女也此又在五女之外矣

皇女致三年封沁水公主 五行志作長公主

皇女小姬十二年封平皋公主 鄧禹傳作長公主

適軼侯黃門侍郎王度 王霸傳作軼侯注云屬江夏此

作軼注音伏皆誤

封平邑公主適黃門侍郎馮由 案馮由馮勤孫也馮勤

傳作平安公主章懷引東觀記云安平案平安屬廣陵

郡

元伏湛五世孫 案伏后紀云后大司徒湛之八世孫

也父完尙陽安長公主據此則完是湛七世孫注讓

靈帝三女 三當作一

案后紀所未載之公主內黃公主適竇穆當是光武

女見竇融傳章帝時有新平主家御者失火見馬后

紀東觀記伏湛曾孫晨尙高平公主見伏湛傳注此

二主不知何帝之女

後漢書辨疑卷三終

後漢書辨疑卷三

三

後漢書辨疑卷三

後漢書辨疑卷四

嘉定錢大昭晦之甫學

劉聖公傳

共攻離鄉聚 郡國志注有離鄉聚在江夏郡南新市

徐皆九卿將軍 案九卿將軍者如光武為太常偏將軍

王常為廷尉大將軍與王莽之納言將軍秩宗將軍相

類

五成中郎將李軼為舞陽王 光武紀馮異耿純傳並作

舞陽王

遣李公會朱鮪與赤眉戰於務鄉 說文務毒艸也注引字

若以為毒艸則字當从艸从務若作務則是卷耳艸矣

後漢書辨疑卷四

一

後漢書辨疑卷四

續志作務鄉在恆農縣

劉盆子傳

祖父憲元帝時封為式侯 憲城陽荒王子

卒論殺之 王莽改縣令長為宰故稱宰

及前西安侯劉孝最為近 前書王子侯表城陽王後有

要安侯無西安侯

諸三老從事皆大會陛下 赤眉樊崇初起兵自號三老

後分萬人為一營凡三十營營置三老從事各一人故

云諸也

白楊音以下皆為列卿軍 案列卿下當有將字劉聖公

傳亦云徐皆九卿將軍也楊音之列卿為大司農

自更始敗後幽閉殿門 門當作內

注言佼佼者見鋪之人稍為勝也 見當作凡

溺社稷汧井竈 汧當作汧

王昌傳

識命者郎中李曼卿 東觀記知命者謂侍郎韓公等

南獄諸劉為其先驅 莽始建國元年分四方為四獄故

有南獄之稱猶云南方耳隗囂傳云威命四布宣風中

岳與此同意諸劉謂嚴鄉侯信安眾侯崇徐鄉侯快陵

鄉侯曾扶恩侯貴等亦不專指聖公光武疑注誤

光武自薊得郎檄 檄謂王郎移檄購光武十萬戶

劉永傳

後漢書辨疑卷四

二

精李沈氏編 雙斗齋叢書

茂遂反殺淮陽太守 太守姓潘名蹇

四年秋遣捕虜將軍馬武騎都尉王霸圍紆建於垂惠

案本紀及王霸傳俱作偏將軍此云騎都尉疑誤

時平狄將軍龐萌反叛 蓋延傳作平敵將軍

自號東平王屯桃鄉之北 郡國志任城縣有桃聚注云

光武破龐萌于桃鄉

悉其兵數萬人屯昌慮 昌慮屬東海郡

步騎數千人屯建陽 地理志東海有建陽縣中興省

迎憲入剡城吳漢等復攻拔剡 剡皆當作鄒鄒東海縣

張步傳

建武三年光武遣光祿大夫伏隆持節使齊 案伏隆使

齊傳有二年冬此云三年疑誤

與弟宏蘭欲招其故眾 案上文及耿弇傳俱作藍此蘭

字疑誤

李憲傳

李憲者潁川許昌人也 許昌本許縣獻帝徙都加昌字

疑衍昌字

彭寵傳

地皇中為大司空事 事當作士隗囂為國師劉歆士是

也南監本不誤

盧芳傳

王莽末乃與三水屬國羌胡起兵 時安定屬國都尉治

後漢書辨疑卷四

三

精李沈氏編 雙斗齋叢書

三水縣故言三水屬國耳

雲中太守橋扈 本紀作喬扈

初安國屬國胡與芳為寇 安國疑當作安定郡國志安

定無屬國然光武紀建武二十一年安定屬國胡叛桓

帝紀永壽元年南匈奴叛安定屬國都尉張魚討之又

隸釋劉寬碑陰有安定屬國都尉孟扶據此則東京有

安定屬國也南監本不誤

注今秦州奉羌縣 奉羌閩本作伏羌

隗囂傳

偽作符書 作閩本作詐

注朱光世曰南山之竹 光世當作安世

由此名震西川 川當作州 蓋自稱西州上將軍

於是禹承制遣使持節命嵩為西州大將軍得專制涼州

朔方事 案是時禹以前將軍遣西入關令自選偏裨

以下蓋許其便宜從事故承制拜嵩為大將軍又承制

拜李文為河東太守悉更置屬縣令長也

注今原州平原縣南有涇陽故城 平原當作平高

黠布以劍以歸漢 以劍當作杖劍

嵩將妻子奔西城 西城即西縣故屬隴西積漢書屬漢

陽郡注以西城為縣名誤

公孫述傳

述遂使將軍侯丹開白水關 水經注白水出隴西臨洮

後漢書辨疑卷四

四

李沈氏編

縣西南西頃山東南流入陰平又東南逕廣漢白水縣

臨洮與西縣接界故天水之西縣有白水關而廣漢之

白水縣亦有白水關自源徂流同一白水也其故關城

在唐梁州金牛縣西

三年征西將軍馮異擊鮪育于陳倉大敗之鮪育奔漢中

此事本紀及馮異傳俱在建武四年此作三年誤案

馮異傳云公孫述遣將程焉將數萬人就呂鮪出屯陳

倉異與趙匡擊破之焉退走漢川異追擊于箕谷復破

之還擊破呂鮪營保據此則陳倉之敗漢中之奔皆程

焉與李育也故異還而復破呂鮪此言鮪育亦誤

一姓不得再受命 陳景雲曰一姓不再命尚書帝命驗

之文見詩文王正義

峭然自以為武王復出也 武王當作文王

使西州豪傑咸居心於山東 居心闕本作歸心

破虜將軍馮駿等 破字上脫擊字破字下脫威字當從

岑彭傳作擊破威虜將軍馮駿等

齊武王續傳

注比陽縣有藍鄉 比陽當作棘陽

南波潢淳水 潢當作黃下同

注潢該音淳水諄者誤 案水當為作南監本不誤

臨泚水 泚當作此

至宜秋注宜秋聚名在泚陽縣 郡國志宜秋聚在平氏

後漢書辨疑卷四

五

李沈氏編

縣

皆畫伯升像於塾且起射之注塾東觀記續漢書並作埽

案塾字說文新附古用埽

注魯陽縣屬南郡 南郡當作南陽郡

十一年徙章為齊王十五年追諡伯升為齊武王 案本

紀建武十三年章降為齊公與降為魯公十五年追諡

兄伯升為齊武公仲為魯哀公此云十一年誤當作十

三年伯升及仲追諡並當從本紀作武公哀公

論豈游俠下客之為哉 陳景雲曰下客謂折節下士也

注非

北海靖王興傳

通謚仲為魯哀王 王當作公說見于上

注臨邑縣屬東海 東海當作東郡

與詣者僕射劉珍 詣當作謁

趙孝王良傳

十三年降為趙公 本紀建武十九年進趙國公爵為王

傳失載進爵事則下文子節王栩嗣句無根

城陽恭王祉傳

注留子男昌不責墓 案不責當是守墳二字之譌南監

本不誤

泗水王歛傳

又奉終子鳳曲陽侯 奉當作封南監本不誤

後漢書辨疑卷四

六

李沈氏編

茂自號劉失職 失闕本作先

更封茂為穰侯 本紀作單父侯

注朝陽縣屬南郡 南郡當作南陽郡

浮弟尚承平中為征西將軍 案劉尚承元元年以中郎

將為車騎將軍九年行征西將軍此作承平誤也

安成孝侯賜傳

同拋財產 拋非古字古作抱史記三代世表云抱之山

中注音普茅反是也班勇傳今不靡開朝廷之德而抱

屯戍之費義亦同拋隸變而譌為拋爾

注蔡陽國益亭侯長醉詢更始父子張 陳景雲曰詢當

作詢玉篇詢罵也

近更始妻子將詣洛陽 近當作迎

時幸其弟 弟古第字

帝復封閩弟嵩為白牛侯 閩福建本作閩下同

成武孝侯順傳

因拜為六安太守 六安本王國莽篡國除為郡故有太

守

坐與諸王交通降為端氏侯 端氏縣名既是降封必非

縣侯矣端氏下疑脫一字

注和川穎王縣西北有甘城 案續志穎川有穎陽穎陰

無穎王監本作穎上當從之

順陽懷侯嘉傳

後漢書辨疑卷四

七

李沈氏編

為更始柱功於李實所破 實當作寶下文及邳禹傳俱

作寶

李通傳

會光武避事在宛 陳景雲曰按它處皆作避吏此因相

似而誤

注掘上手得半垂刀 掘當從閩本作握

共語移日掘手極欲 掘閩本作握

捕虜將軍王霸等十營 捕虜馬武也此當作討虜

注順陽縣屬南郡 南郡當作南陽郡

案有消疾 案消疾與司馬相如消渴病同所謂消中之

疾也若周官疇首疾乃四時疫癘之疾章懷合疇首消

中爲一非是

注安衆侯劉崇與宗人討莽有功 陳景雲曰崇當作寵
據前表安衆侯崇居攝元年舉兵爲王莽所滅建武二
年以崇從父弟寵紹封蓋崇死於莽未篡漢之先安得
身佐中興乎此必傳寫之誤

王常傳

穎川舞陰也 陰當作陽

此所以稱吾屬也 此字下通鑑有天字

來欽傳

遂欽當作隨欽

從番須回中徑至洛陽 洛陽當作略陽

後漢書辨疑卷四

八

橋李沈氏編
熨斗齋叢書

注心腹已壞則制其支體也 支體下脫易字

於是置酒高會勞賜欽班坐絕席在諸將之右 案王常

爲橫野大將軍位次亦與諸將絕席馬防貴寵最盛與

九卿絕席梁冀傳每朝會與三公絕席張禹傳每朝見

特贊與三公絕席皆所以尊顯之

高帝重之以懸賞 當從岡本作高帝懸之以重賞

欽乃伏脩攻具 伏岡本作大

故改汝南之當鄉縣爲征羌國焉 案地理志汝南無當

鄉縣水經注云征羌故邵陵縣之安陵鄉安陵亭也續

漢志召陵有安陵鄉征羌侯國有安陵亭並不言故當

鄉據此則鄴氏似得其實傳以爲當鄉縣疑誤

承應傳

聖及其女永 案王聖女順帝紀泗水王傳及宦者傳並
作伯榮此獨作永與彼不同

論王常知命功惟帝念 案常傳光武勞之曰王廷尉甚
苦每念往時共更艱難何日忘之故云功惟帝念也注
誤

鄧禹傳

注上率禹等擊王郎橫野將軍劉發 發岡本作奉

百姓不親五品不訓 訓古文尙書作憇今文作訓說文

憇順也引書曰五品不憇周頌烈文云四方其訓之春

秋左氏傳引作四方其順之史記魯世家云宣王伐齊

後漢書辨疑卷四

九

橋李沈氏編
熨斗齋叢書

殺其君伯御而問魯公子能道順諸侯者徐廣曰順一

作訓張守節曰順音訓漢書敘傳云實棗謀而相順文

選順作訓是訓與憇順同義順與訓同音也

情遂殺欽因反擊禹 據隗囂傳情叛在二年此在元年

康以太后久臨朝政 遂免康官遣歸國絕屬籍 案此

事凡一百三十餘言已見鄧后紀不必復載

鄧訓傳

先欲脅月氏胡 據上文則月氏上當有小字

燒當豪帥東號稽顙歸死 東號東吾子也

鄧騰傳

時遭元二之災注元二卽元元也 案隸釋云予按漢刻

如北海相景君及李翊夫人碑之類凡重文皆以二
字贅其下非若司隸校尉楊孟文石門頌之中遭元二
西夷殘虐遂書為大二字也又孔叡碑云遭元二轆軻
人民相食若作元元則下文不應又言人民漢注之非
明矣王充論衡云今上嗣位元二之閒嘉德布流三年
零陵生芝艸四年甘露降五年芝復生六年黃龍見章
帝紀所書建初三年以後龍芝甘露之瑞皆同則論衡
所云元二者蓋謂卽位之元年二月也鄧君傳所云元
二者亦謂元年二年也安帝紀書兩年之閒萬民飢流
羌叛叛戾又與傳同楊孟文碑所云西戎殘虐橋梁斷
絕正是鄧騭出師時史傳碑碣皆與論衡合建初者章
帝之始年永初者安帝之始年乃知東漢之文所謂元
二者如此

後漢書辨疑卷四

十

楊李沈氏
編李沈氏
疑字齊叢書

取廢帝故事謀立平原王得 得疑當爲翼

注況其後嗣乎 閩本此句下有事見古史考五字

寇恂傳

後徙封損扶柳侯 案水經注長蘆水又東逕扶都縣故

城南建武三十年封寇恂子楫爲侯國此作損彼作楫

此作扶柳彼作扶都未知孰是

馮異傳

異因薦邑子姚期叔壽 姚期與異皆潁川人故云邑子

叔壽後爲破虜大將軍

尚得脫歸宜陽 獨以二十四騎還

餘衆尚十餘萬東走宜陽 案劉盆子傳云光武救諸將

曰賊若東走可引宜陽兵會新安賊若南走可引新安

兵會宜陽是宜陽在關以南也本紀云餘衆南向宜陽

劉盆子傳亦云赤眉遂出關南向此作東走非也

始雖垂翅回谿終能奮翼龜池 東觀記云馮異字公孫

升爲征西將軍與赤眉相距上命諸將士屯龜池爲赤

眉所乘反走上回谿阪異復合兵追擊大破之徹底璽

書勞異曰垂翅回谿奮翼龜池見文選西征賦注

蓋延據盤屋 蓋字疑衍

公孫述遣將程焉 程焉本紀同公孫述傳焉作烏

後漢書辨疑卷四

十一

楊李沈氏
編李沈氏
疑字齊叢書

將數萬人就呂鮪 呂鮪隗囂傳同公孫述傳呂作李

願君無忘射鉤 論衡吉驗篇云齊襄公之難桓公爲公

子與子糾爭立管仲輔子糾鮑叔佐桓公管仲與桓公

爭引弓射之中其帶鉤夫人身長七尺帶約其要鉤挂

于帶在身所掩不過一寸之內旣微小難中又滑澤鉤

靡鋒刃中鉤者莫不蹉跌管仲射之正中其鉤中矢觸

因落不跌中旁肉命當富貴有神靈之助故有射鉤不

中之驗

水至隗囂乘勝 閩本未下有及字

蓋蕭蕭紹封傳繼於今 案本紀永元三年詔以曹相國

後容城侯無嗣求近親紹封注誤

岑彭傳

與將軍徭偉領淮陽 徭疑當作搖廣韻搖下言姓徭下

不言姓

從河內太守邑人韓歆會 彭與歆俱是南陽人故云邑

人猶言邑子也

建武二年使彭擊荊州 案彭擊荊州本紀在元年十月

此云二年誤

注臨沮中沮廬 下沮字衍

拔黃郵注在南陽新都縣 新都當作新野

沿江沂河止黎丘 止當作上

夾川谷少水險難漕運 谷當作穀

後漢書辨疑卷四

主

撰李沈氏附

起浮橋關樓立橫柱 關樓通鑑作關樓注云猶今城上

敵樓也叢木為柱曰橫柱

吳漢以三郡梓卒多貴糧穀 貴闕本作費

彭奇船逆流而上 陳景雲曰是時魯奇應募以偏師獨

進岑彭見敵勢已摧乃悉軍並進耳彭不與奇同行此

文不合有彭字

率二萬餘人扣黃石 杜佑曰今謂之橫石灘

賈復傳

方任以職勿以擅除 勿以闕本作勿得

復率然對曰 率然與率爾同意

吳漢傳

傳在四年冬蓋自四年冬出至明年春成功也

使副將武威將軍劉向 向當作向朝陽侯劉浮之弟也

祭遵馬成傳亦誤南監本此條不誤

漢使護軍高午 續天文志作護軍將軍高午

置居庸常關以東 常關當作常山關說見本紀

漢性彊力 案彊力二字疑即彊字也誤分為二說文彊

迫也古文作彊爾雅強勤也孟子強為善而已矣皆當

為彊

方整厲器械激揚士吏 案士吏疑當作吏士

初無辦嚴之日 嚴即裝也避諱故然上文裝露橈船又

後漢書辨疑卷四

主

撰李沈氏附

岑彭傳裝直進樓船皆作裝蓋蔚宗承用舊文改之有

未盡耳

蓋延傳

以延為虎牙將軍 案本紀及諸傳俱作虎牙大將軍疑

脫大字虎牙取其威武所謂雜號將軍也王莽將王邑

嘗為虎牙將軍

承為其將所殺 承將虞吾也

及龐萌反攻殺楚都太守 太守孫萌也袁宏後漢紀作

楚相非是

延走北度泗泗水破舟楫 泗字闕本不重

陳俊傳

嘉遣書薦俊 遣疑遣字之譌

大司馬吳漢承制拜俊為彊弩大將軍 案本紀及吳漢

耿弇等傳俱言彊弩將軍無大字是時蓋以彊弩將軍

行大將軍事猶下文拜俊太山太守行大將軍事也

轉徇汝陽及頃 頃闕本作項

臧宮傳

潁川潁人也 潁當作郊南監本不誤

疫困之力 之當作乏

後漢書辨疑卷四終

後漢書辨疑卷四

西

精李沈氏銅
對斗齋叢書

後漢書辨疑卷五

嘉定錢大昭晦之甫學

耿弇傳

攻厭新賊於敖倉皆破降之 時宗室劉茂自號厭新將

軍卒眾降封為中山王

封平平侯 封字下疑脫舒字況長子弇封好時次子舒

以卒平故以少子霸嗣封喻康也若以平平為況所食

邑則傳當云徙封平平矣不然霸襲況爵而平平之封

反屬之舒有是理乎熊方異姓侯表有平平烈侯耿况

知北宋本已脫誤

道弇與吳漢擊富平獲索賊于西原 西原當作平原閭

後漢書辨疑卷五

精李沈氏銅
對斗齋叢書

本不誤

乃使其大將軍費邑軍懸下 大將軍袁紀作濟南王張

步封費邑為濟南王故有是稱

自旦攻城未中而拔之 未中上疑有日字

費敢悉眾忘歸張步 忘當作亾

護軍荀梁等爭之以為宜速攻西安 梁等以為攻臨菑

西安必救之攻西安臨菑不能救故欲攻西安

追至鉅昧水上 水經注巨洋水出朱虛縣東太山袁宏

謂之鉅昧水王韶之以為巨蔑北過臨胸縣東又北過

臨胸縣西又東北過壽光縣西

羣臣大會弟謂弇曰 弟是帝字之譌南監本不誤

為河陽太守 河陽當從注作河東

寶弟子承襲公主爵為林慮侯 案寶父襲尚隆慮公主

寶既襲父爵為平平侯則襲母爵者必是寶弟矣傳云

寶弟子疑衍子字

論弁決策河北 闕本弁上有耿字

耿秉傳

封美陽侯 案水經注云永元二年更封鄣雍侯耿秉

為美陽侯傳不言其初封鄣雍此是章和彼作永元亦

不同

丞相司直章况兄星謀起兵誅操 案本紀及三輔決錄

注並作章况則此况字衍文况下星字亦衍

後漢書辨疑卷五

二

稿李沈氏銅
與斗齋叢書

耿夔傳

以夔為大將軍左校尉 南匈奴傳作右校尉

乃封夔栗邑侯 栗當作粟

耿恭傳

乃以恭為戊己校尉 衍己字闕本不誤時恭為戊校尉

關寵為己校尉

銚期傳

熊弟陸謀欲反城迎檀鄉 反字不當斷句

祭遵傳

注杜衍縣名屬河南郡 河南當作南陽

又建為孔子立後奏置五經大夫 建疑當作遵

祭彤傳

及赤山鳥桓連和強盛 鳥桓傳云赤山在遼東西北數

千里

彤有勇力能貫三百斤弓 史記五子胥傳云五胥貫弓

執矢嚮使者注云貫鳥還反司馬貞曰張滿弓鄭注鄉

射云古文貫作闕

任光傳

軍人見光冠服鮮明 服之華麗者謂之鮮明前書辛慶

忌傳云性好與馬號為鮮明唯是為奢王吉傳云皆好

車馬衣服其自奉養極為鮮明游俠傳云卒皆贏車小

馬不上鮮明

後漢書辨疑卷五

三

稿李沈氏銅
與斗齋叢書

拜曾東萊郡太守 邢字疑衍

李忠傳

世祖會請將問所得財物唯忠獨無所掠 是時兵少缺

力虛弱聽任光之計募發奔命出攻傍縣若不降者恣

聽掠之人貪財物則兵可招而致故問所得財物此權

宜行之耳忠無所掠特優賜以寵異之故能上合天心

下孚眾望非若更始居長樂宮升前殿而問諸將後至

者虜掠得幾何也

萬脩傳

更始時為信都尉 尉當從任光傳作令闕本不誤

邳彤傳

明公既西則邯鄲城民不肯捐父母背城主而千里送公
是時邯鄲為王郎所據或疑邯鄲二字有誤案通鑑
考異云據文意兩城字皆當作成邯鄲成謂邯鄲勢成
也成主謂王郎為已成之主也此說得之

朱祐傳

帝因笑曰主人得無舍我講乎 東觀漢記云初上學長
安過朱祐宅祐留上須講竟乃談話及帝登位車駕幸
祐第問主人得無去我講乎祐曰不敢見文選為范尚
書讓封侯表注

景丹傳

景丹字孫卿 廣韻景姓齊景公之後
後漢書辨疑卷五 四 綱李沈氏綱
對斗齋叢書
何意二郡良為吾來 後漢紀良下有牧字

杜茂傳

進攻西攻 西攻當作西防閩本不誤
涼誅其豪右郭氏之屬 郭闔本作郇

劉隆傳

歲郡上將軍印綬 郡當作餘南監本不誤
帝令虎賁將詰問吏 虎賁將疑即虎賁中郎將

馬武傳

進至安定次小廣陽 陳景雲曰安次勃海屬縣也以光
武紀耿弇傳證之則定字之衍明矣小廣陽注亦以弇
傳為是注不出一人之手故多互異

征西大將軍陽夏侯馮異 胡三省曰馮異傳異封陽夏
侯馬武傳末列二十八將官位姓名曰夏陽侯馮異陽
夏縣屬淮陽郡夏陽縣屬左馮翊未知孰是大昭案今
本亦作陽夏蓋後人據本傳改

賈融傳

以軍功封建武男 王莽時男爵可攷者有利苗男新脩
寧男遵集胡男何封瓜寧男瓜田儀明學男張邯并此
建武男凡六人

金城太守庫鈞 三史拾遺曰古讀庫有舍音猶車音尺
遮反余音食遮反也廣韻四十禡部別出庫字云姓也
此流俗妄造之字

後漢書辨疑卷五

五

綱李沈氏綱
對斗齋叢書

酒泉都尉竺曾 廣韻竺姓出東莞後漢擬陽侯竺晏本
姓竹報怨有仇以冉始名賢不改其族乃加二字以存
夷齊而移于琅邪莒縣也大昭案漢書西域傳有謁者
竺次則非東漢人避仇而改矣

賈固傳

來苗文穆至匈奴河水上 匈奴河當作何河前書何河
去令居數千里

復代馬防為衛尉 馬防當作馬光

賈憲傳

制于大施 時憲以待中內幹機密出宣詔命故以大錄
萬機稱之

爰該六師 說文該軍中約也前書藝文志五行家有五音奇胘用兵二十三卷注云胘軍中約蓋該胘古字通

注非

從事中郎二人六百石 案從事中郎下當有將字說見百官志下文憲遣大將軍中護軍班固行中郎將即大將軍官屬之中郎將也

詔執金吾五校尉勒兵屯衛南北宮 五校尉屯騎越騎步兵長水射聲也皆屬北軍中候時竇霸為城門校尉因誅竇氏故不勒令勒兵

馬援傳

注是時員為護苑使者 案前書百官表無此官然車騎

後漢書辨疑卷五

六

構李氏氏

將軍王音嘗薦谷永為護苑使者見永傳

納王游翁詣邪之說 案隗囂傳王元字惠孟而此又稱

其字曰游翁是一人有二字也

援聞之不自知其下也 案知其下當有泣字南監本其作泣

良怖急者可狀下伏 狀當作牀

上書言宜如舊鑄五銖錢 王莽始建國元年廢五銖錢

故請復之

帝嘗言伏波論兵與我意合 兒子東垣曰援拜伏波將軍尚在下文此處不宜先稱

而反游京師長者 陳景雲曰長者猶言貴人耳即象辭

皇太子山陽王之助梁松諷以長者意不可逆是也家俠之解似未當

以當替人夜誦之音 夜誦樂官名說詳前書禮樂志注非是

馬防傳

防乃別使兩司馬將數百騎 案續志將軍長史司馬皆

一人此言兩司馬故下文防遣司馬夏駿又遣司馬馬

彭也

及隴西長史 續志郡當邊戍者丞為長史

其令許侯思德田廬 許侯當作許陽侯

後漢書辨疑卷五

七

構李氏氏

馬嚴傳

徵拜侍御史中丞 案續漢書百官志御史中丞一人千

石本注曰御史大夫之丞也及御史大夫轉為司空因

別留中為御史臺率後又屬少府嚴所拜者即此職疑

徵拜下衍侍字志又有治書侍御史二人侍御史十五

人皆六百石非中丞也或先拜侍御史而遷中丞亦未

可定

遷五官中郎 觀下文復以五官中郎將行長樂衛尉事

知此中郎下脫將字

卓茂傳

劉宣安眾侯崇之從弟尤武以宣襲封安眾侯 陳景雲

曰據前表建武初以崇從父弟寵紹封安眾侯其名與范史不同又據謝承書安眾侯有預討王莽佐平王郎大功非避世者不知范史何以復異若此

魯恭傳

父某 史闕名

遠滅於史侯河西 南匈奴傳作安侯河西

魏霸傳

和帝崩典作順陵 和帝紀注云慎陵俗本作順者誤

劉寬傳

父崎順帝時為司徒 案劉寬碑云公之考乃作司徒輔

毗安順勲載二葉是崎于安帝時已為司徒碑文立于

後漢書辨疑卷五

八

橋李沈氏制 疑斗齋書

其時必不誤也今范書本紀及傳皆無安帝時崎為司徒事失其實矣

時京師地震特見詢問再遷出為東海相延熹八年徵拜

尚書令 碑云州郡禮招三公竝辟皆不諫志大將軍

辟舉高第拜侍御史遷梁令喪舊君去官博士徵三府

辟皆又不到司隸校尉察茂材太尉舉有道公車徵拜

議郎司徒長史入登侍中延熹八年地震有詔詢異公

以演策沈漸對當帝心轉拜尚書遷東海相南陽太守

帝初即位徵拜太中大夫遷侍中屯騎校尉宗正光祿

勲太尉洪景伯曰碑以對地震拜尚書在八年傳則以

問地震相東海在前而八年所拜乃尚書案帝紀延熹

八年九月丁未京師地震傳之誤也

嘉平元年 嘉當作熹

後以日食策免 據劉寬碑熹平五年之免太尉以固疾

光和平四年之免太尉以日食傳似誤

以先策黃巾逆謀以事上聞 碑云先是時也狂寇張角

妖逆公仰觀見象上遊其源未逮誅討亂作不旋帝乃

追寶先謀錫之土田

伏洪傳

唯云願降司徒伏公 司徒上當有大字

子完嗣 伏完事跡見於后紀故此不備書

侯霸傳

後漢書辨疑卷五

九

橋李沈氏制 疑斗齋書

師事九江太守房元治穀梁春秋為元都講 案前書儒

林傳房鳳字子元不其人也其穀梁春秋學傳自諫大

夫尹更始哀帝時鳳為九江太守此云房元即房鳳也

不書名而書字不書全字而單舉其一未知何故

建武四年光武徵霸與車騎會壽春拜尚書令 車騎闕

本作車駕建武三年霸奏朱浮罪當伏誅時已為尚書

令則非四年始拜也

其後河南蔡茂 案茂河內懷人此作河南轉寫之誤南

監本不誤

京兆王況 王有肅音玉篇廣韻並移點于上以為王姓

非也

宋宏傳

父尚成帝時至少府 班表失載

嵩子由章和閉為太尉 章和當作元和

及其在賓 賓與殯同說文殯死在棺將遷塋柩賓過之

禮記曾子問篇而后辭于殯鄭注殯讀為賓是古字通

監本作殯

蔡茂傳

代戴涉為司徒 司徒上當有大字攷本紀戴涉之後尚

有太子太傅張湛為大司徒旋以病罷故直云代涉為

之

馮勤傳

後漢書辨疑卷五

十

稿李沈氏制
與斗齋叢書

司徒侯霸薦前梁令閻揚 司徒上亦當有大字

趙熹傳

幽并二州由是而定 案本紀建武十五年徙雁門代上

谷三郡民置常山居庸關以東二十六年郡民歸于本

土上谷代郡屬幽州雁門屬并州故云二州注以為雲

中五原無論建武六年無此事且雲中五原俱屬并州

不得言幽并二州也

長子代給事黃門 案熹子名世永平中為侍中見百官

志注今作代唐人避諱改

韋彪傳

今四巡舊都 四當作西南監本不誤

建初二年已封曹參後曹湛為平陽侯 案皇后紀平陽

公主以永平三年封馮勤傳建初八年馮奮襲母公主

傳為平陽侯薨無子永元七年復封奮兄勤為平陽侯

本公主之祀勁子卯卯子留皆嗣封竊疑建初中不應

有兩平陽侯又攷和帝紀永元三年詔以曹相國後容

城侯無嗣求近親紹封則曹參後之紹封非平陽乃容

城也

雖進退舒遲時有不速 速當作逮南監本不誤

帝敬惜之 敬與閔古字通

即賜布帛帳帷什物 今人名一切器用為什物本此

帝敬惜之 敬與閔古字通

後漢書辨疑卷五

十一

稿李沈氏制
與斗齋叢書

王丹傳

其隙嫻者恥不致丹 嫻俗字說文作煇懈也怠也

杜林傳

得漆書古文尚書一卷常寶愛之 寶當作寶南監本不

誤

羣臣上言古者肉刑嚴重 事具梁統奏疏

郭丹傳

大司馬嚴光請丹辭病不就 光當作尤前書王莽傳云

大司馬陳茂以日食免武建伯嚴尤為大司馬

吳良傳

信陽侯陰就干突禁衛 陰與傳注云新陽屬汝南郡新

信古字通

車府令徐匡鉤就車 車府令主乘輿諸車

承宮傳

經典既明乃歸家教授 樊樵傳云承宮為海內大儒

拜侍中祭酒 侍中本有僕射一人中與改為祭酒

趙典傳

初為京兆郡丞 京兆前後漢皆不稱郡此郡字行

其少卿志仕終乘高箱 箱車箱也謂郭丹果乘高車出

闕

譚傳

此天下方知 方知當作知方南監本不誤

後漢書辨疑卷五

主

橋李沈氏明

書猶十數隻偶之類 十閩本作小通鑑作卜南監本不

誤

吾欲識決之何如 欲下閩本有以字

出為六安郡丞 案郡國志建武十三年省六安國以其

縣屬廬江郡然則建武十三年以前為六安國十三年

以後又併入廬江未嘗為郡安得有丞此句疑誤

馮衍傳

注東觀記自明君以下皆是諫鄧禹之詞 案鮑永傳更

始二年以尚書僕射行大將軍事安集河東并州朔部

故衍疏云并州之地東帶名關北逼強胡也若云諫鄧

禹禹乃前將軍非大將軍且禹所攻者河東非并州東

觀記誤矣

必懷周趙之憂 周當是害字之誤註說非也

聖人轉禍而為福 結數句與前說廉丹書略同

拒擊宗王 宗王當作宗正

見排於魏青 魏當作衛南監本不誤

甲子之朝兮汨吾西征 汨讀與肆同

遵大路而裴回兮 裴回與上文裴回鎬京句複見

雖九死而不眠兮 眠古作瞑目之瞑說文瞑翕目也徐

鉉曰今俗別作眠非是

心悞憶而粉紘 悞憶與悞憶同前書陳湯傳策慮悞憶

義勇奮發顏籀曰悞憶憤怒之貌

後漢書辨疑卷五

主

橋李沈氏明

終悞悞而洞疑 楚詞七諫云心悞悞而煩冤兮王逸曰

悞悞憂愁貌大昭案說文解字念悞也知古字作念悞

拈也前書藝文志云拈拈遺逸師古曰拈拈謂拾取之

馮豹傳

以詩春秋教麗山下 麗山即驪山也在京兆新豐縣

後漢書辨疑卷五終

後漢書

申屠

嘉定錢大昭晦之甫

是以人無賢愚莫不怨 闕本莫不下有為字

而尊其宗黨 闕本尊下有崇字

說

太守荀諫擁護 前書外戚傳有水衡都尉荀參

後漢河東并州朔部 舊有朔方刺史故云朔部建武十

一年省朔方刺史屬并州

遺詩議大元儲大伯 前書王莽傳有中郎儲夏

但幅巾與諸將及同心客百餘人詣河內 傅子曰漢末

王公卿士多委王服但以幅巾為雅是以袁紹崔鈞之

徒雖為將帥皆著幘巾

迺拜丞為魯郡太守 列女傳亦云丞為魯郡太守案建

武二年封兄子興為魯王二十八年徙封北海嗣後以

魯郡益東海見于史策碑碣者並云魯相不言太守傳

云討破董憲其事在建武五年當云魯相不當云郡太

守此傳及列女傳皆誤

唯別帥彭豐虞休皮常等 前書儒林傳有琅邪皮容後

漢有涼州刺史皮楊

注還大夏城門中 大當作入洛陽十二城門夏門位在

亥

奉使如此何如 司隸校尉與部刺史同行過所部亦奉使也

鮑昱傳

後為泚陽長 泚陽當作泚陽

如如失得何能致異 下如字當作有南監本是有字

但臣前在汝南典理楚事 校書郎楊終以為廣陵楚淮

陽濟南之獄徙者萬數其議與昱畧同

邳惲傳

方今鎮歲熒惑並在漢分翼軫之域去而復來漢必再受

命 此事續天文志失載

窮人屈厄 屈闕本作於

車駕夜還惲拒關不開 此事與何湯事畧同湯事在謝

承書桓榮傳注引之

蘇竟傳

今五星火居天時謬錯辰星久而不効太白出入過度熒

惑進退見態鎮星繞帶天街歲星不合氏房 案續天

文志皆失載

五月甲申天有白虹自子加午廣可十丈長可萬丈 案

五行志失載

楊厚傳

統作家法章句 家法即楊春卿緝表中先祖所傳祕記

也

宜蠲法改憲之道 春秋保乾圖曰三百年斗歷改憲
是夏洛陽大水 五行志注引此文作異水

太初元年 太當作本

郎顛傳

六日七分 六日七分之法本於易稽覽圖卦氣之法以
坎離震兌四正卦分主春夏秋冬爻主一氣餘六十卦

卦主六日七分始中乎終頤而周一歲之日大指即說

卦傳帝出乎震一章之文而推演之其以風雨寒溫驗

政治得失亦與洪範五行相為表裏

易內傳曰 易內傳者稽覽圖文

久陰不雨亂氣也 稽覽圖曰久陰不雨亂氣雲之起也

欲德不用厥異常陰 欲圖本作賢 後漢書辨疑卷六 三 稽覽圖 沈氏 謝 熒斗齋叢書

其後復寒者無寬之日也 日圖本作實

易曰天道無親常與善人 今易無此文當是易緯

變常而惡必致於異 於當作干

四始之缺五際之厄 詩正義引汜歷樞云大明在亥水

始也四牡在寅水始也嘉魚在巳火始也鴻雁在申金

始也注非是五際說見前書異奉傳

孔子曰霜之始發大壯始君弱臣強從解起 稽覽圖云

太陽一二以上自雷雷聲君弱臣強雷從解起鄭康成

注云太陽謂一月大壯一二者陽爻在上雷聲盛聞于

人得自雷其卦中是消息

故易傳曰當雷不雷太陽弱也 稽覽圖云當雷不雷太

陽弱不當雷而雷太陽弱鄭注云春分之後當雷不雷

君弱于道德也秋分之後不當雷而雷此君弱于度誅

罰不行邪臣跋扈于下陽氣放洩則雷冬行亂冬傷陽

也

易傳曰陽無德則早陰僭陽亦早 稽覽圖曰陽無得則

早害物陰僭陽亦早害物觀其政以別之

襄楷傳

臣切見去歲五月熒惑入太微 天文志八年五月壬午

熒惑入太微右執法

其閏月庚辰太白入房犯心前星 天文志閏月己未太

白犯心前星此作庚辰未知孰是 後漢書辨疑卷六 四 稽覽圖 沈氏 謝 熒斗齋叢書

今年歲星久守太微 天文志九年正月壬辰歲星入太

微中五十八日出端門

前七年十二月熒惑與歲星俱入軒轅 天文志七年八

月庚申歲星犯軒轅大星十二月乙丑熒惑犯軒轅第

二星

注時太尉陳蕃司徒劉矩司空劉茂云云 注本陳蕃傳

其說誤也說詳蕃傳

臣伏見太白北入數日 天文志九年六月壬戌太白入

與鬼

郭伋傳

十一年省朔方刺史屬并州 案武帝置刺史十三人咸

帝更爲牧哀帝建平二年復爲刺史元壽二年復爲牧

經王莽變革建武元年復置牧十八年罷州牧置刺史

傳云朔方刺史誤也當從本紀作朔方牧觀下文云迺

調假爲并州牧則是時安得有刺史邪

各騎竹馬道次迎拜 剛本竹馬下有於字

假謂別駕從事計日當告之 刺史行部則別駕從事奉

引錄眾事今名雖爲牧而其職卽刺史之職故其制同

杜詩傳

造字本排注排當作棗 案排古字棗俗字

張堪傳

後漢書辨疑卷六 五 楊李沈氏編

桑無附枝麥穗兩岐 麥穗通鑑作麥秀

堪去職之日乘折轅車布被囊而已 同縣朱暉聞堪卒

後妻子貧困厚賑贍之

廉范傳

不勝師資之情 范詣京師受業事博士薛漢故有師資

之情注引老子非

蘇章傳

永平中爲奉車都尉實固軍出擊北匈奴中師 案爲疑

當作從

以折折權豪忤旨 上折字剛本作摧南監本同

蘇不韋傳

太原郭林宗聞而論之 何休稱名而郭泰稱字者蔚宗

遊家諱

羊續傳

太山平陽人也 續志泰山郡無平陽前志泰山有東平

陽

時拜三公者皆輸東園禮錢千萬 案靈帝時開鴻都門

榜賣官爵公卿州郡下至黃綬各有差其富者則先入

錢貧者到官而後倍輸是時段熲樊陵張溫等雖有功

勤名譽皆先輸貨財而後登公位

賈琮傳

舊典傳車懸駕垂赤帷裳迎於州界 詩云洪水湯湯漸

後漢書辨疑卷六 六 楊李沈氏編

車帷裳注帷裳童容也其上有蓋四方旁垂而下謂之

襜褕宗賜荆州刺史郭賀三公之服敕行部去襜褕使

百姓見其容服以章有德蓋當時刺史之車皆有之

樊宏傳

封弟丹爲射陽侯 樊毅脩華嶽碑云有漢元舅五侯之

胄謝陽之孫洪景伯曰水經泚水西南流謝水注之詩

所謂中伯番番旣入於謝者樊丹封射陽卽其國又云

自廣陵出白馬湖逕山陽城西卽射陽縣之故城高祖

封項纏爲射陽侯乃其地據此則傳以丹爲射陽誤矣

族兄忠更父侯 更父卽亢父任城縣也更亢古字通忠

莢支類聚作冲

樊儵傳

儵字長魚 既守長魚則儵當從魚今從黑誤

詔儵與羽林監南陽任隗雜理其獄 任隗傳作羽林左

監此脫左字續漢志羽林左右監各一人主羽林左右
騎

臣等以荆屬託母弟 顯宗與荆皆出于光烈皇后

如今陛下子 今閩本作令

建武時吾家竝受榮寵一宗五侯 案五侯者謂壽張侯

宏射陽侯丹元鄉侯尋更父侯忠平望侯茂也長羅即

宏初封國注以長羅壽張為五侯之二非是

樊準傳

後漢書辨疑卷六

七

樊準傳

郡雄崩擾 郡當作羣

如沛國趙孝 案趙孝傳但言其節行不稱為名儒史失

之疏

永平之初連年水旱災異 永平當作永初準以永元十

五年受知和帝所云連年災異與安帝本紀同此作永

平傳寫之謬

代周暢為光祿勳五年卒於官 五年閩本作其年

陰興傳

後以此領侍中 陳景雲曰後當作復興前官侍中故言

復傾

朱浮傳

朱浮字叔元 案浮父謂為大司馬府吏董賢自殺伏辜

發棺羸尸埋獄中謂為買棺衣收尸葬之王莽聞之大

怒以他罪誅謂

初從光武為大司馬主簿 大司馬吳漢也

官以和平而災異尤見者 尤閩本作猶

賜浮死 浮死之後國必除矣史不言國除失之

馮勳傳

今日受誅死所無恨 所無當作無所

與太尉東萊劉喜 喜本紀作意

和帝時詔封楊邑侯 詔疑當作紹

虞延傳

後漢書辨疑卷六

八

虞延傳

宗姓奢靡 姓當作性

時延為都督郵 部當作郡玩下文以陳留督郵虞延故

句可見

二十三年司徒王況辟焉 大司徒于建武二十七年去

大此云二十三年當有大字

鄭巨君傳

遷淮陰太守 續漢志無淮陰郡唯淮陽郡章和二年改

為陳國顯宗時猶未改也當作淮陽閩本亦誤

建初為尚書令 建初下疑有脫落字

出為平原相 原字誤案平原改為王國在殤帝延平元

年建初時無此國也攷建初四年封皇子全為平春王

即于是年王薨國除則巨君之為相乃平春月二原也
舊交阻七郡貢獻轉運皆從東治 交阻七郡者南海蒼
梧鬱林合浦交阻九真日南也或疑交阻當作交州然
度尚傳亦云交阻刺史是交阻與朔方並有刺史也
方亦稱朔部或交阻亦稱交部乎
在位四年 四字誤巨君於元和元年八月為太尉至元
和三年四月罷不及四年也

周章傳

其冬代尹勤為司空 章為司空在永初元年九月其冬
當作其秋

迺立和帝兄清河孝王子祐 祐當作祐

後漢書辨疑卷六

九

李沈氏編
後漢書

梁統傳

以訾十萬徙茂陵 十閩本作干

拜騰酒泉典農都尉 續漢志云邊郡置農都尉主屯田

殖穀

臣竊見元哀二帝輕殊死之刑以一百二十三事 宋書

刑法志引此疏作臣竊見元帝初元五年輕殊死刑三

十四事哀帝建平元年輕殊死者刑八十一事其四十

二事手殺人皆減死罪一等是用東觀記故與此小異

注凡首匿者為謀自藏匿罪人 自閩本作首

誠不宜因循季末衰亂之軌 亂閩本作微

議者以為隆刑峻法 議者即杜林也事具林傳

梁冀傳

鵠齒笑 次兒釋曰說文均匠也讀若鵠方言均或謂之

巧然則鵠齒笑猶巧笑也

悉以定陶陽成餘戶增封為四縣 案梁商傳陽嘉二年

封冀為襄邑侯商辭不受商卒冀襲父爵為乘氏侯至

建和元年乃封冀子嗣為襄邑侯故冀傳云并前所襲

合三萬戶也此云四縣蓋指冀之乘氏冀子之襄邑又

增定陶陽成合計之也

皆先到冀門賤檄謝恩 恩當作恩

冀諷州郡以它事陷之 冀諷有司奏融在郡貪濁免官

張純傳

後漢書辨疑卷六

十

李沈氏編
後漢書

毀廟及未毀廟之主皆登 登當作祭

張奮傳

父純臨終勅家丞曰 侯國家臣有家丞庶子各一人不

滿千戶不置家丞

十年僮耳降附 據本紀僮耳請曰慕義貢獻公卿百官

奉觴上壽在永平十七年此脫七字

章奏不能款心 款閩本作敘

官至建城門候 建閩本作津案雒陽城十二門有津門

注云當洛水浮橋則作津者是

曹褒傳

受詔議立七廟 七廟閩本作七郊注同案祭祀志建武

二年初制郊兆于雒陽城南為圓壇入陸中又
天地位其上其外壇上為五帝位青帝位在甲寅之地
赤帝位在丙巳之地黃帝位在丁未之地白帝位在庚
申之地黑帝位在壬亥之地天地黃帝各用犢一頭青
帝赤帝共用犢一頭是七郊之事也

非襄所定不可作 闕本作不可許

難與圖治 治闕本作始

鄭康成傳

然則公者仁德之正號不必三事大夫也 時稱三公為

三事宋宏傳策曰太中大夫宋漢予嘉乃勲引登九列

將授三事未冠而終劉愷傳前世扶陽侯韋元成近有

後漢書辨疑卷六 十一 據李氏氏

陵陽侯丁鴻郵侯鄧彪並以高行潔身辭爵未聞貶削

而皆登三事崔篆慰志賦云嗟三事之我負兮乃迫余

以天威左雄傳云九卿位亞三事班在大臣周舉傳云

予嘉乃勲用登九列方欲式序百公亮協三事

飲酒一斛 續漢書云鄧元飲三百餘杯不醉見御覽七

百五十九

康成所注周易尚書毛詩云云 毛詩是箋衛宏傳亦云

鄭氏作毛詩箋然箋亦注之類故以注樂之周禮注見

行于今董鈞傳亦云康成作周官注此獨失載

其門人山陽郗慮東萊王基清河崔炎著名於世 陳景

雲曰案魏志王基傳但言據持鄭義與王肅抗衡不云

嘗師鄭氏計基年輩乃肅之儔非郗崔匹也同時又有
樂安孫炎亦非肅識短鄭氏炎本受學于鄭氏門人而
唐孔氏詩疏誤以為鄭氏之徒恐范史之失類此
其餘亦多所鑿收 故當作拔南監本不誤

鄭興傳

昭連禍患 速讀如不速之客

咸曰朝廷若用功臣 若疑當作欲

君亢急則臣下促迫故行疾也 行疾上當有月字

鄭眾傳

對種張獨拜 前書匈奴傳云自君王以下皆食畜肉衣

其皮革被旃裘種與旃古今字

後漢書辨疑卷六 十一 據李氏氏

為長樂未央廡令 案續漢志未央廡令一人長樂廡丞

一人無長樂廡令安世所為者疑是長樂廡丞未央廡

令來歷傳亦誤

陳元傳

凡四十五事 案范升奏左氏之失十四事又太史公遠

戾五經謬孔子言及左氏不可錄三十一事合之為四

十五事也

賈逵傳

又受古文尚書於塗惲 惲當作惲南監本不誤

張陵傳

不疑有愧色弟元 弟元上闕本有陵字是 卷六終

補李沈氏制
與牛齋叢書

嘉定錢大昭晦之甫學

桓榮傳

沛郡龍亢人也 尋下文事沛國桓榮句郡當作國

拜雍為五更 雍當作榮

桓郁傳

郁以母憂乞身詔聽以侍中行服 是時公卿刺史二千

石不得行三年喪惟桓郁桓焉聽其行喪皆以其身為

名儒特破格行之真異數也然踰年已詔使者賜桓焉

牛酒奪服矣

張輔魏應召訓亦講禁中 召訓儒林傳作召馴

補李沈氏制
與牛齋叢書

桓典傳

注遷平津都尉 劉放曰平津非郡何得有都尉蓋是平

準令誤準為津因轉令為都尉也陳景雲曰靈帝中平

元年因黃巾之變特置八關都尉官平津其一也見靈

帝紀劉說非是

桓鸞傳

請太守向苗有名迹迺舉鸞孝廉 案鸞沛國人當為國

相桓典之為孝廉國相王吉舉之是其證也此云太守

誤矣

丁鴻傳

今能薄功微得鄉亭厚矣 漢法大縣侯位視三公小

賢侯位視上卿鄉亭侯位視中二千石

注以庶郡為六安國 廬下脫江字

將軍雖不受 雖下闕本有云字

論於義不亦薄乎 史以鄧彪劉愷為薄于義將子臧季

札不足以風世乎

陸倕傳

九江范官周生等 順帝紀同馮緄碑作范突朱生

馮緄傳

父煥安帝時為幽州刺史 馮煥神道云故尚書侍郎河

南京令豫州幽州刺史馮使君神道又馮煥殘碑云君

諱煥字平侯 闕廉除郎中尚書侍郎 遷豫州刺史鄭別

後漢書辨疑卷七 二 楊李氏編 樊斗齋校書

闕以鮮卑畔逆 闕史策書嘉歎賜錢 闕守以永寧二

年 闕洪景伯曰其云北鮮卑叛逆則元初六年詔除

幽州時事也其云策書嘉歎賜錢者傳載帝愍之賜錢

十萬也

初舉孝廉七遷為廣漢屬國都尉 車騎將軍馮緄碑云

君諱緄字皇卿 傳作鴻 幽州君之元子也少耽學問習

父業治春秋嚴氏韓詩倉氏兼律大杜弱冠詔除郎還

更仕仰憲詣曹史督郵主簿五官掾功曹舉孝廉除右

郎中蜀郡廣都長遭直荒亂以德緩撫政化流行到官

四載功稱顯著郡察廉吏州舉尤異遷健為武陽令謀

疾卒 昭以公去官部廣漢別駕治中從事辟司空府侍

御史御史中丞督使徐揚二州討賊范突朱生徐馮馬

勉弘嬰等坐迫州郡進兵正法復辟司徒府廷尉左監

正治書侍御史廣漢屬國都尉隴西太守坐問吏卒旬

不分去官以羌駭動為四府所表復家拜隴西太守上

病辟同產弟徵議郎復治書侍御史尚書遼東太守廷

尉太常車騎將軍南征五溪蠻夷黃加少高栢法氏趙

伯潘鵠等斬首萬級沈溺以千數降者十萬人收通寶

布卅萬匹不費官財振旅還師臨當受封以謠言奏河

內太守中常侍左怕弟坐遜位拜將作大匠河南尹復

拜廷尉表荊州刺史李隗南陽太守成晉太原太守劉

瑣不宜以重論坐正法作左校後詔書特賞拜屯騎校

後漢書辨疑卷七 三 楊李氏編 樊斗齋校書

尉復廷尉奏中臣子弟不宜典牧州郡獲過左右遜位

永康元年十二月薨一娶金紫十二銀艾七墨綬將軍

體清守約既來歸葬遺令墳塋取藏形而已不造祠堂

可謂履真者矣恐後人不能紀知官所更歷故自石表

續以誌來世孝桓皇帝以命將軍討此疆夷有桓桓烈

口之姿因謚為桓洪景伯曰傳中遷緄及物故先後與

碑其才庸許曼傳云隴西守馮緄始拜郡開綬為有兩

卒能分南北走曼策之曰三歲後為邊將官有東名官

東行三千里後五年為將軍南征延熹元年緄守遼東

討鮮卑至五年拜車騎將軍武陵蠻却與碑合

上言書典中官子弟不得為牧人職 案此所謂中官專

指侍中尚書而中常侍不在其內故李固疏請爲中常侍設常禁同之中臣

度尚傳

拜郎中除上虞長 荆州刺史度尚碑云初奉歲計拜郎

中除上虞長列女傳云元嘉元年上虞縣長度尚改葬

曹娥

自右校令推爲荆州刺史 碑云以從父憂去官更舉孝

廉爲右校令續漢志右校令六百石掌右工徒

封右鄉侯遷桂陽太守 碑云是時南蠻蠢動擢拜 闕殊

俗賓服遠人用綬封右鄉侯遷遼東太守旬月之間蒞

貉寧輯洪景伯曰碑云守遼東而傳作桂陽二說不同

羣賊十年通誅最後深藏桂陽山谷閉尚多設方畧始

能剪除恐或就守其壤不可得而辨也

尚後爲遼東太守數月鮮卑率兵攻尚與戰破之 據本

紀及鮮卑傳鮮卑寇遼東屬國在延熹六年尚之討平

當在是時至尚與抗徐擊破桂陽賊胡蘭等事在八年

傳中後字誤

劉平傳

楚郡彭城人也 郡疑當作國地理志楚國有彭城縣章

帝名楚人彭城國

仲不可以絕類 左氏襄廿三年傳云子展廢良而立太

叔曰請舍子明之類

平狄將軍龐萌反於彭城攻敗郡守孫萌 是時彭城非郡不得有守本紀作楚郡太守

上被十創 十闕本作七

國相張宗諷請 國相琅邪王京之相也張宗字請君自

有傳

趙孝傳

亭長先時聞孝當過以有長者客掃灑待之 陳景雲曰

長者客猶言貴客卽下言田禾將軍子是也注未明了

淳于恭傳

教論學問 論衡本作誨

縱我不得它人何傷 言我雖不得它人得之亦無傷也

後漢書辨疑卷七

五

後漢書辨疑卷七

劉般傳

時五校皆顯職閑 五校者屯騎越騎步兵長水射聲校

尉也皆掌宿衛兵

般常將長水胡騎從 續漢志長水校尉有司馬胡騎司

馬各一人

劉愷傳

卽獨解尚臧錮 時坐臧者皆禁錮故曰臧錮袁安爲河

南尹政號嚴明然未嘗以臧罪鞠人常稱曰凡學仕者

高則望宰相下則希牧守制人于聖世尹所不忍爲也

茂與大尉陳蕃司徒劉矩共上書訟之 案司徒劉矩疑

有誤據本紀是時爲司徒者乃胡廣也

周磐傳

注陽夏屬淮南郡 案陽夏地理志屬淮陽郡國志屬陳

國注誤

趙咨傳

干暴賢者 暴闕本作目

班彪傳

扶風安陵人也 班超傳又云扶風平陵人攷地理志平

陵安陵俱屬扶風而李善注文選引范史云班固北地

人班氏不居北地即云班壹避地樓煩樓煩屬雁門亦

非北地

從漢元至武則以絕其功也 闕本則字在絕字下

後漢書辨疑卷七

六

李沈氏

班固傳

京兆祭酒晉馮 案京兆祭酒續漢志所無攷周磐傳云

太守韓崇召蔡順為東閣祭酒隸釋司空孔扶碑有士

曹屬東閣祭酒許冲上說文解字表云臣父故太尉南

閣祭酒此云京兆祭酒疑亦京兆之屬官

則天下之奧區焉 奧文選作隩注引說文隩四方之土

可定始者也是與隩隩古字通

是故橫被六合 橫被即光被崔篆志賦云聖德滂以

橫被分黎庶愷以鼓舞亦此意注引文穎說謂關西為

橫疑誤

度宏規而大起 度文選作危注引小爾雅云羌發聲也

慶與羌聲相近慶又譌為度也

故窮奢而極侈 奢文選作泰蔣宗避家諱改

七相五公 文選注以五公為御史大夫杜周徒茂陵御

史大夫張湯前將軍蕭望之右將軍馮奉世大將軍史

丹並徙杜陵也大昭案漢制丞相太尉御史大夫為三

公前後左右將軍位上卿不得為公李善說非是

桑麻敷菜 敷文選作鋪案敷鋪古字通常武詩鋪敷淮

濟鄭解鋪為陳韓詩作敷云大也

於是元堦卸切 切古砌字文選作砌

混建章而外屬 而下脫連字

雖輕信與僂狡 信文選作迅

後漢書辨疑卷七

七

李沈氏

軼埃盭之混濁 盭文選作塌案淮南子兵暑訓云揚塵

起塌高誘曰塌埃也蓋塌古字盭今字

舉燧命爵 爵文選作醕注引說文云醕飲酒盡也

元鶴白鷺 文選元鶴上有鳥則二字

鶴鷓鴣鷓 鷓字誤文選作鷓

遂風舉雲搖 文選遂下有乃字

浮游普覽 文選皆作溥案普溥古字通小雅北山云溥

天之下孟子荀子皆引作普

班固傳下

主人喟然而歎曰 文選作東都主人

功有橫而當天計有逆而順人 文選功作攻計作討

以變子之或志 或古惑字文選作惑

故下民號而上愬 烈文選作訴案說文訴告也愬或體

字

致命于聖皇 致命上文選有乃字

體元立制 易文言曰元者善之長也君子體仁足以長

人此體元二字所本

妙古昔而論功 妙文選作眇眇古字

敦鴻藻 文選作鋪敷鋪古通說詳于前

吐爛生風 爛文選作爛

以命三駟 以命文選作申命

游基發射 文選游作山

後漢書辨疑卷七

人

李沈氏

士怒未泄 文選泄作洩避太宗諱

自孝武所不能征孝宣所不能臣 文選作自孝武之所

不征孝宣之所未臣

伶侏兜離 伶文選作傑

於是聖上親萬方之歡娛 親文選作覩

注前書平帝立舉學宮 舉字疑衍平帝紀無此字

獲白雉兮效素烏 效素烏下文選有嘉祥阜兮集皇都

句

時北單于遣使貢獻 遺當作遺

第五倫傳

倫始以管長詣郡尹鮮于褒 褒上谷人見陰典傳

補淮陽國醫工長 為淮陽王延之醫工長也續漢志云

主醫藥比四百石

敢不自聞 自疑是呂字之譌

此臣之至所願也 至所二字當乙

君子有疾 君當作吾

少子頡頏 頏字疑衍倫未封侯以史例推之不當有嗣

字

第五種傳

乃謂其友人同縣閭子直及高密甄子然 案閭甄二人

依史例當書其名

鍾離意傳

後漢書辨疑卷七

九

李沈氏

所步多蒙全濟 步當作部南監本不誤

近臣尚書以下至見提拽常以事怒即藥崧以杖撞之

案宋均傳均嘗劾疑事帝以為有姦大怒收即縛格

之均執義不撓即令貫郎寒朗傳以謁者守侍御史與

三府掾共案楚獄帝怒罵曰吏持兩端促提下此皆明

帝時事也申屠剛傳云尚書近臣至乃捶撲牽曳於前

羣臣莫敢正言剛每輒極諫又虞延傳云二十年東巡

還經封丘城門門下小不容羽蓋帝怒使提侍御史延

因下見引咎遷制詔曰以陳留督郵虞延故賈御史罪

此皆光武時事也蓋東都初制如此豈獨明帝之徃福

察耶又左雄傳云時大司農劉據以職事被譴加以捶

撲雄上言九卿位亞三事班在大臣孝明皇帝始有撲
罰皆非古典帝從之其後九卿無復撲者據此是光
武所撲撲者止是尙書侍御史明帝則撲及九卿矣故
史家以褊察譏之

注東觀記意在堂邑云云 案此注當在上文遷堂邑令
之下

宋均傳

宋均字叔庠 隸釋司空宗公碑云公名俱以察孝爲城
門侯歷郎中議郎五官中郎將越騎校尉汝南太守少
府太僕太常司空祖父司隸校尉父長沙太守范史靈
帝紀太常宗俱爲司空又云司空宗俱薨宋均傳云族

後漢書辨疑卷七

十

李氏編

子意以章和中爲司隸校尉孫俱靈帝時爲司空碑
與史皆合惟傳誤以宗爲宋耳

注浚道縣屬廬江郡 兩漢志浚道俱屬九江注誤

遷東海相 爲東海王彊之相也

寒朗傳

寒朗字伯奇 案寒姓前書游俠傳有陝人寒孺
乃召朗入問曰 乃召上闕本有帝字

光武十王傳

東海恭王彊 處臣三女小國侯 案皇后本紀云皇女
封縣公主諸王女皆封鄉亭公主肅宗特封東平王蒼
琅邪王京女爲縣公主傳所云小國侯卽此類也其三

女封地可攷者惟比陽公主適安豐侯實融子勳其二
女未詳封地注以爲婦人封侯失之矣

楚王英 晚節更喜黃老學爲浮屠齋戒祭祀 初帝開

西域有神其名曰佛因遣使之天竺求其道得其書及
沙門以來其書大氏以虛無爲宗貴慈悲不殺以爲人
死精神不滅隨復受形生時所行善惡皆有報應故所
貴脩煉精神以至爲佛善爲宏闊勝大之言以勸誘愚

俗精於其道者號曰沙門於是中國始傳其術圖其形

象而王公貴人獨楚王英最先好之

歡喜天恩 思闕本作恩

東平憲王蒼 要帶十圍 十圍本作八

後漢書辨疑卷七

十

李氏編

況臣居宰相之位 將軍非宰相也時蒼以諸侯王爲驃
騎將軍位在三公之上故自稱宰相

得王深策快然意解 快通鑑作恢注云恢然猶廓然也

近令從官古霸 邳惲傳有長沙孝子古初廣韻云蜀志

有廣漢功曹古牧

又以吉凶俗數言之亦不欲無故繕脩丘墓有所興起

此種俗忌漢人亦有之

追封禰之深思 封當作祖

問饗衛士於南宮 問當作問

其沛濟南東平中山四王讚皆勿名 時楚廣陵琅邪東

海王竝先薨阜陵雖在有尊貶侯故止云四王也

惟建初八年三月己卯 本紀作辛卯

忠立十一年薨 十字衍

任城孝王尚 桓帝立河間孝王子恭為參戶亭侯博為

任城王以奉其祀 案于恭二字當乙恭下為字衍文

靈帝復立河間貞王遜子新昌侯佗為任城王 遜當作

建

阜陵質王延 子淮王恢嗣 淮當作懷

廣陵思王荆 易於太山破雞子 易於上闕本有寧有

量邪若歸并二國之眾可聚百萬君王為之主鼓行無

前功共二十五字此脫當據補

琅邪孝王京 案皇后本紀云肅宗封東平王蒼琅邪王

後漢書辨疑卷七

士

補李沈氏綱 疑斗齋叢書

京女為縣公主乃本傳于東平則云封蒼五女為縣公

主于琅邪則不書亦失之疏

帝悉以太后遺金寶財物賜京 賜京有詔書在東平王

蒼傳

朱暉傳

故以暉為衛士令 百官志南宮衛士令一人北宮衛士

令一人秩皆六百石

注建武十六年四方牛大疫臨淮獨不 案暉為臨淮太

守在永平時攷五行志建武十六年無牛疫事而于永

平十八年則云牛疫死即其時也注誤

初暉同縣張堪 暉南陽宛人此云同縣即漁陽太守也

尚書張林 林係實憲所薦由真定令遷尚書素行貪污

後以臧污抵罪

誠非明主所當宜行 當宜二字重複一本無當字

朱穆傳

又著絕交論注詩云威儀棣棣不可選也 選闕本作算

選算古字通說詳前書公孫劉田傳贊此作選蓋為淺

學者妄改朱板亦作算

而面論之臣猶言安耳 論當作諛

河溢漂害人庶數十萬戶 五行志注引此傳作數千萬

戶

何敞傳

後漢書辨疑卷七

士

補李沈氏綱 疑斗齋叢書

山安懼然不敢答 由太尉朱由也安司徒袁安也懼然

與懼然同

奏王侯就國 漢制藩王朝位禮畢各就國不得留京師

時肅宗篤于親親故叔父濟南中山二王入朝特加恩

寵及諸昆並留京師不遣就國故敞及之

遂令人刺殺暢於城門也衛之中 韓棧傳作上東門實

憲傳作上東門也衛之中此云城門即上東門也

陛下履晏晏之姿 尚書考靈曜曰堯聰明文塞晏晏

縣官無用 謂帑藏空虛也

三遷五官中郎將 張輔傳作左中郎將

常念疾中常蔡倫 中常下當有侍字

後漢書辨疑卷七終

後漢書辨疑卷七

古

楊李沈氏編
吳斗齋叢書

後漢書辨疑卷八

嘉定錢大昭晦之甫學

鄧彪傳

詔以光祿大夫行服 彪本太僕也而以光祿大夫行服 桓郁本越騎校尉也詔聽以待中行服祖焉本太傅也 聽以大夫行喪蓋侍中光祿大夫皆無定員且非中二千石即有以憂乞身者或可聽許其實仍遵舊制公卿二千石不行三年服也

又嘗奏免御史中丞周紆 奏紆在任過醜不宜典司京輦

紆前失實氏旨 失黃門郎實篤旨也

後漢書辨疑卷八

楊李沈氏編
吳斗齋叢書

張禹傳

祖父況族姊為皇祖考夫人 案皇祖考夫人當云皇考夫人夫人是況之族姊故光武呼況為大舅祖字衍注亦誤

遷下邳相 惠王衍之相也

永元六年入為大司農拜太尉 案張禹代張酺為太尉本紀在永元十二年九月丙寅非六年也

張敏傳

徵拜司位 司位當作司空案敏代周章為司空據本紀在永初元年此當有永初元年四字則下文六年二字有根否則竟似延平六年矣南監本不誤

胡廣傳

廣與尚書郭虔史敞上疏 案杜根傳作僕射郭虔此云

尚書蓋虔為尚書僕射也

袁安傳

乃上立降者左鹿蠡王阿佟為北單于 阿佟疑即於除

難也袁紀作阿脩左當作右

乃獨上封事曰 此章是廬江周榮具草

彭弟湯字仲和諸儒稱其節 宋王堂傳云尚書令袁湯

以求屬不行恨之後廬江賊人弋陽界堂追討奔散湯

猶因此風州奏堂免官據此則湯非正人矣傳乃云諸

儒稱其節何耶

後漢書辨疑卷八

二

構李沈氏銅 雙斗齋叢書

湯長子成左中郎 郎下當有將字

逢字周陽 案延熹四年七月逢為宏農太守遷京兆尹

見西嶽華山廟碑傳未之及

袁敞傳

歷為將軍大夫侍中 為闕本作位

元初三年代劉愷為司空 本紀在二年

情斷意其 其當從闕本作訖

陛下垂澤 垂闕本作聖

識臣狀貌傷臣眼目 兩臣字闕本俱作其

張酺傳

放子壽封細陽之池陽鄉後廢因家焉 案前書功臣表

張放子受封樂昌侯樂昌屬東郡蓋壽封國在東郡之

樂昌兼食細陽之池陽鄉子孫遂為細陽人猶張安世

封國在陳留之富平原子延壽徙國于平而其食別邑

乃在魏郡之武始延壽之元孫純光武遂封為武始侯

也

今賜莊三十萬 使之辦裝也莊當作裝

前郡守以青身有金夷 左氏成十六年傳云察夷傷服

虔曰金創為夷

驕稱卿意 驕疑當作矯

十五年復拜為光祿勳 五當作六

韓稜傳

後漢書辨疑卷八

三

構李沈氏銅 雙斗齋叢書

尚書左丞王龍私奏記上牛酒於憲 實憲為大將軍征

匈奴公卿以下及郡國無不遣吏子弟奉獻遺唯東平

相應順守正不阿即韓稜所舉良吏也

同景傳

景字仲饗 吳志周瑜傳注引謝承書作仲嚮

東陽侯侯覽 宦者傳作高鄉侯

郭躬傳

奉車都護竇固 護當作尉南監本不誤

郭鎮傳

建武二年代劉寵為太尉 建武當作建寧南監本不誤

廷尉七人 本傳郭氏為廷尉者止有五人

陳寵傳

斷獄者急於笞格酷烈之痛 笞晉書刑法志引作榜

顯用良吏王渙鍾顯等以為腹心 和帝問寵在郡何以

為理對曰臣任功曹王渙以簡賢選能主簿鍾顯拾遺

補闕臣奉宜詔書而已帝大悅顯後為長樂衛尉見班

勇傳

千五百耐罪 晉書刑法志五百下有七字

陳忠傳

奏上二十三條為決事比 晉書刑法志引作三十三條

母子兄弟相代死聽教所代者 時河閒人尹次穎川人

史玉皆坐殺人當死次兄初及玉母軍並詣官曹求代

後漢書辨疑卷八 四 魏李沈氏編

其命因縊而物故陳忠以罪疑從輕活次玉范蔚謂開

父子兄弟得相代死議其大謬也

及直道之士馮良周燮杜根成翊世之徒 良南陽人字

君郎志行高潔非禮不動翊世字季明官尚書周燮杜

根自有傳

班超傳

家貧常為官傭書 東觀漢記云班超家貧為傭寫書

投筆歎曰大丈夫獨不效傅介子立功絕域之地以封

侯安久筆耕乎見文選薦士表注

注鄯陽關一千六百里去長安一千六百里 案漢書云

去陽關一千六百里去長安六千一百里當從漢書

因立其故王兄子忠為王 後漢紀云求索故王近屬得

兄倫勅立之更名忠

注烏孫以為右夫人 右漢書作左

假鼓吹幢麾 以注校之鼓吹當作橫吹

復遣假司馬和恭等四人 廣韻和姓本自義和之後一

云下和之後子案後漢有右北平太守和旻

忠說康居王借兵還據損中 損字疑誤西域傳靈帝建

寧三年涼州刺史孟雲遣兵討疏勒攻楨中城即此

遣其左將此韃支 此下文又作北閩本作比

班勇傳

而抱屯戍之費 抱讀與拋同說詳安成季侯賜傳

後漢書辨疑卷八 五 魏李沈氏編

呼衍王亡走 閩本呼衍王三字不重

至今且谷 今閩本作金

梁謹傳

謹富勇氣 富閩本作有

何熙傳

陳國人 何熙書國不書縣案熙曾孫夔陳國陽夏人魏

志有傳

及在軍臨沒遺言薄葬 在軍謂永初三年熙以行車騎

將軍討南單于也

臨瑾並有政能 百家譜云臨字子陵為平原太守見李

固傳注

楊終傳

及遠屯伊吾樓蘭車師戊己 及閩本作又

鑿念前往 往閩本作世

注終徙於北地望松縣 案郡國志北地無望松縣班志

望松縣屬上郡益部耆舊傳誤也

翟輔傳

注宜升歷改憲 升當作斗見春秋保乾圖古斗字作升

與升相近故傳寫誤耳

諸生橫卷 橫古贊字學堂也卷閩本作巷

應奉傳

豐生彬彬生奉 彬閩本皆作柳

後漢書辨疑卷八

六

補李沈氏編

應劭傳

劭字仲遠 劉寬碑陰有故吏南頓應劭仲瑗洪景伯曰

官儀既劭所著又此碑可據則知遠瑗皆非也

大將軍掾韓卓議 卓字子助陳留人

又刪定律令為漢儀 宋刑法志作漢議

故膠東相董仲舒 東當作西

著漢官禮儀故事 漢官下脫儀字魏志王粲傳注云著

漢官儀及禮儀故事凡十一種

爰延傳

縣令隴西牛述 廣韻牛姓出隴西周封微子於宋其裔

司寇牛父敗狄長丘子孫以王父字為氏

陛下以河南尹鄧萬 鄧萬者鄧萬世也封南鄉侯章懷

避諱刪世字

徐璆傳

父淑為度遼將軍有名於邊 攷歷任度遼將軍無徐淑

度遼屬官有長史司馬此當是屬官

王充傳

乃造性書十六篇 性書閩本作養性書

王符傳

乃隱居著書三十餘篇 今見存三十五篇序錄一篇

貴忠篇曰 今潛夫論與此微有異同詳畧

明帝葬洛南 南閩本作陽

後漢書辨疑卷八

七

補李沈氏編

春秋以為非君 非閩本作不

華元樂舉厚葬文公 舉潛夫論作呂

乖實趙華 乖閩本作背

仲長統傳

名曰昌言凡三十四篇 魏志劉劭傳注作一十四篇

苟運智詐者則得之焉 閩本苟下有能字

向者天下戶過千萬際其老弱 際當作除

孝明八王傳

彭城靖王恭 封定兄弟九人皆為亭侯 據東觀記皆

作兄弟八人

樂成靖王黨 注脩縣及條縣皆屬勃海 案班志勃海

郡有脩市應劭曰音條續志勃海郡有脩無條章懷注

下邳惠王衍 子哀王宜嗣數月薨 案數月二字衍文

因上文有數月薨句相涉而遂耳中平元年至建安十

一年相距二十年豈數月乎熊方表亦然是宋本已誤

梁節王暢 暢猶被愛幸 案猶當作尤南監本不誤

還餘所食四縣 四縣謂下邑碭鄆薄也

志匪由于咎在彼小子 于當作王

淮陽頃王嗣永平五年封常山王 五年當作十五年脫

十字

永平二年 當作永元南監本不誤

後漢書辨疑卷八

八

李沈氏

永嘉元年 當作元嘉

濟陰悼王長 以東郡之離孤 孤當作狐

陳禪傳

而禪定訕朝政 定當作廷言于朝廷之上肆行訕謗南

監本不誤

橋元傳

補洛陽左尉 百官志尉大縣二人小縣一人雒陽大縣

故有左右尉魏武紀除洛陽北部尉

及高句驪嗣子伯固 伯固句驪王遂成之子也

府舉元為度遼將軍假黃鉞 假黃鉞始見于此

懿德高軌 魏武帝本紀注載此文作誕敷明德

特以頑質見納君子 魏本紀注作特以頑鄙之姿為大

君子所納

崔駰傳

吾亦病子屑屑而不已也 屑屑說詳前書王莽傳注非

注禮漫漫兮 禮當作糺

注扶人無容 容當作咎

崔寔傳

屈子之所以慮其幽憤者也 慮當作攄

故宜參以霸政 霸政下闕本重霸政二字

錮之銀鎔鐵鎔 銀鎔古作琅當前書西域傳云後軍候

趙德使尉賓國與陰末赴相失陰末赴鎖琅當德師古

後漢書辨疑卷八

九

李沈氏

曰琅當長鎔也又王莽傳云以鑄瓊琅當其頸傳詣鍾

宮

黃憲傳

既而前至袁閔所注闕一作閔 陳景雲曰黃憲袁閔俱

慎陽人故荀淑有子國頹子之語慎陽本侯國也若汝

陽袁閔與憲同郡異縣則作閔非矣

叔度汪汪若干頃陂 此事又見郭林宗傳者乃俗本誤

以注文雜入也

楊震傳

八世祖喜高祖時有功封赤泉侯 楊震碑云聖漢龍興

楊慈佐命克項于垓公侯之胃必復其始

明經博覽無不窮究 碑云公實履忠貞恂美且仁博學
甄微靡道不該又明尚書歐陽河洛緯度窮神知變與
聖同符鴻漸衡門羣英雲集咸共酌其流者有踰三千
至德通洞天爵不應貽我三魚以章懿德遠近由是知
為奕世繼明而出者矣

年五十乃始仕州郡 碑云州郡虛已競以禮招大將軍
辟舉茂才除襄城令遷荆州刺史東萊涿郡太守所在
先陽春以布化後秋霜以宣威寬猛惟中五教時叙
徵入為太僕遷太常 碑云功洽三邦聞于帝京旋徵本
朝歷太僕太常遂究司徒太尉

尋有河間男子趙騰詣闕上書 張皓傳云時清河趙騰
後漢書辨疑卷八 十 魏李沈氏編 熨斗齋叢書

上言災變譏刺朝政章下有司收騰考繫所引黨輩八
十餘人皆以誹謗當伏重法皓上疏諫帝乃悟滅騰死
罪一等餘皆司寇按皓傳所云疑即此事惟彼傳作清
河此作河間男子彼傳作滅死一等此作伏尸都市未
知孰是

有大鳥高丈餘集震喪前 碑云立朝正色恪勤竭忠無
德不施靡惡不刑將訓品物以濟大清而青蠅嫉正醜
直實繁橫共構譖慄慨暴斃于時羣后卿士凡百黎萌
靡不歔歔垂涕悼其為忠獲罪乾監孔昭神鳥送葬王
室感寤姦佞伏辜公功乃伸追錄元勳策書慰勞賜贈
有加除二子郎中

震五子 據碑文五當作四碑云長子牧富波侯相次讓
趙常山相次秉寔能續脩復登上司陪陵京師次奉黃
門侍郎牧子統金城太守沛相讓子著高陽令皆以宰
府為官奉遵先訓易世不替天鍾嘉祚永世罔極

長子牧富波相 富波下當有侯字牧子見於碑刻者二
沛相楊統碑云順帝以統忠臣之苗特召為郎中歷官
常山長史健為府丞嗣陽侯相金城太守車騎將軍從
事議郎五官中郎將沛相以靈帝建寧元年卒繁陽令
楊君碑云富波君之少子也為郡功曹郎中右都候繁
陽令會叔父太尉公薨委榮去官投散如遺吏民攀轅
老幼輟輪追慕跋涉二千餘人續留守闕上書歷年

後漢書辨疑卷八 十一 魏李沈氏編 熨斗齋叢書

運穀萬斛助官振貧以乞還君自非慈愛孰能若茲
楊秉傳 并以病乞退 并當作秉
楊賜傳 於中孚經曰蜺之比無德以色親 易稽覽圖曰黃之比

知善不舉青白之比疑也黑之比不掩惡也白之比弱
也覽之比無德以色親也

章帝八王傳 清河孝王慶 尚既以薄祜 尚字係上注文誤作大字
子女十一人皆為鄉公主 可致者唯陰城公主遙班始
見班超傳

北惠王壽 特賻錢三十萬布三萬匹 自中興至和
帝時皇子始封薨者皆賻錢三十萬布三萬匹嗣王薨
賻錢千萬布萬匹其後典制雖改而壽因尊親仍用中
興舊制

河間孝王開 按開字疑誤本傳濟南王開即係孝王七
世孫不應與道祖同名當從任

子德為安平王 德本紀作得封得為安平王本紀在延
光元年非永寧元年事

譖鄧騭兄弟及儀 儀當作翼

建和二年更封帝兄都鄉侯碩為平原王奉翼後 按碩
蠡吾侯翼之子也翼以河間孝王子出後平原懷王勝

後漢書辨疑卷八

主

李沈氏

建光元年貶都鄉侯遺還河間勝傳云安帝廢翼國除
不言有王碩嗣封是平原國已改為郡矣嗣後翼復受

蠡吾侯封由其父孝王分國與之故桓之封碩紀云奉
孝崇皇祀傳云奉翼後即追尊本生亦止及翼與孝王

不及懷王勝可見碩以帝兄特封非繼絕也熊方以碩
為紹封懷王非是

張階傳

張階字叔明 階蜀志張翼傳作浩

張綱傳

司徒辟高第為御史 蜀志注引續漢書有侍字

書御京師震竦 書下當有奏字

種嵩傳

時所遣八使光祿大夫杜喬周舉等 八使中杜喬本紀
作侍中非光祿大夫也然周舉傳云八使竝守光祿大
夫

時太傅杜喬等 太傅當作太尉時建和元年也

君世也見杜喬傳

後梁州羌動以嵩為梁州刺史 陳景雲曰梁當作涼漢
無梁州至晉始置耳

陳球傳

稍遷繁陽令 陳球碑云為東城門候遷繁陽令陳球後

後漢書辨疑卷八

主

李沈氏

碑云除郎中尚書符節郎慎陵園令換中東城門候遷
繁陽令遭繼母憂禮紀向闕

復辟公府 碑云喪母去官服除辟司徒府拜侍御史

遷南陽太守 後碑云遷南陽太守父病去官居家半年

宏授廷尉

陳廷尉建此議甚健 洪景伯曰二碑所存者事迹皆與
傳合至廷尉永樂時則一辭不措故熹平之議光和之

謀咸無焉殆有所畏而然也嗚呼東漢開寺之盛人主
拱手君子喪氣然剛毅之士寧接踵以赴死不誦身以

媚竈故漢道雖曰陵遲而能立國又百餘年者忠臣義
士之力也

嘉定錢大昭晦之甫學

杜根傳

父安字伯夷 先賢行狀云安年十歲名稱鄉黨至十三入太學號曰神童既名知人清高絕俗洛陽令周紆數俟安安常逃避不見時貴戚慕安高行多有與書者輒不發以慮後患常鑿壁藏書後諸與書者果有大罪推捕所與交通者吏至門安乃發壁出書印封如故常時皆嘉其慮遠三府並辟公車特徵拜宛令先是宛有報讐者其令不忍致理將與俱亡縣中豪彊有告其處者致捕得安深疾惡之到官治戮肆之于市懼有司繩彈

遂自免後徵拜巴郡太守率身正下以禮化俗以病卒官時服薄斂素器不漆子自將車州郡賢之表章墳墓為宜城山中酒家保 鷓冠子云伊尹酒保太公屠牛皆海內荒亂立為世師前書樂布傳云窮困賣庸于齊為酒家保孟康曰酒家作保保庸也可保信故謂之保顏帥古曰為保言保可任使

拜侍御史 先賢行狀作符節令

劉陶傳

耳不聞檀車之聲 檀車用牧野洋洋檀車煌煌詩也注

非

李雲傳

又立掖庭民女亳氏為皇后 亳皇后本紀作薄案亳薄古字通故湯居亳或作薄

劉瑜傳

河圖授嗣正在九房 費士璣曰九房似即九宮易乾鑿度有太一下行九宮之說而無河圖之名據此則以戴九履一者為河圖宜可信

勲字伯元 案尹勲自有傳不宜重見又彼傳云伯父陸兄頌此又云從祖陸孫頌一人手筆而前後重複互異若此

四選尚書令 本傳作五選

虞詡傳

後漢書辨疑卷九

二

精李沈氏編 疑斗齋叢書

誠宜令四府九卿 四府者謂太尉司徒司空將軍府也 注以太傅足之非是是時無太傅

傅變傳

謚曰壯節侯 案變破張角功多當封為中官所疾不得封是變並未封侯也疑傳誤

蓋勲傳

今重已重 上重字當作罪

尚叛羌圍護羌校尉夏育於畜官 漢制有牧師苑分在

河西六郡界中皆令官主養馬此所云畜官是也注以為右扶風畜牧所在誤

臧洪傳

徙為東郡太守都東武陽 郡治本在濮陽故特書都東武陽

張衡傳

作二京賦因以諷諫 夏侯湛張平子碑云二京南都所以贊美畿輦者與雅頌爭流英英乎其有味歟見隸釋於心有猜待 注待字誤入正文閩本不誤

注藝文志陰陽流有風后十三篇 案藝文志陰陽家者流二十一家兵陰陽十六家此風后十三篇在兵陰陽十六家中注云陰陽流誤矣

注藝文志陰陽有地典六篇 此亦在兵陰陽十六家中與前同誤

後漢書辨疑卷九

三

精李沈氏編 疑斗齋叢書

子憂朱汙曼之無所用 朱疑夫字之謬 志團圓以應懸兮 團圓閩本作團圓文選作搏搏

彼無合其何傷兮 其何文選作而可

合嘉禾以為敷 文選作嘉秀秀乃光武諱作禾者不誤 馬融傳

拜為校書郎中

梁懂傳作校書郎龐參傳作校書郎中 擊斂九藪之動物 說文擊東也詩曰百祿是擊

皇牢陵山 皇當作皋閩本不誤

旃旒摻其如林 說文旃建大木置石其上發以機以追敵也春秋傳曰旃動而鼓詩曰其旃如林大昭謂如林

二字正用詩詞蓋馬氏本與許氏同也章懷注非是

車攻馬同教述戒通 惠士奇曰通者掌固之通守政達者遂大夫之四達也四達戒功以通守政達猶通也守在四通故曰四達衛官中者授八次之職守境內者戒四達之功畫三巡夜三警則戒之事也教而戒之職在有司而掌固贊其不足焉

田開古蠱 古蠱疑當作蠱治蓋舊本有作蠱治而注為蠱音古者後人傳寫譌謬遂為古蠱而音蠱為治章懷不能是正而謂蠱與治通其謬滋甚

詔舉郭樸 郭當作敦

桓帝時為南郡太守 梁不疑好經書善待士冀陰疾之

南郡太守馬融初除過謁不疑冀諷州郡以它事陷之

後漢書辨疑卷九

四

李沈氏編

蔡邕傳

建寧三年辟司徒橋元府 案本紀橋公為司徒在四年

三月非三年也

所以督察姦杜 杜當作杜

曹節於復竊視之 復當作後

注遺事流離因上書自陳 邕所上書全篇見續律歷志

此特振舉耳

比往而酒以酬焉 酒闕本作主

初平二年六月地震 上文已云初平元年此初平兩字

可省

時年六十一 案邕徙朔方時自言臣年四十有六至董

卓伏誅邕年六十歲也此云六十一誤

左雄傳

南郡涅陽人也 南郡當作南陽

臣聞柔遠和邇 闕本臣聞下有之字

自是選代交互今長月易 漢制婚姻之家及兩州人士

不過對相監臨所云交互是也今當作令

臺即疑而詰之 續漢書百官志云御史中丞為御史臺

率謁者僕射為謁者臺率符節令為符節臺率又風俗

通云尚書御史臺皆以官倉頭為吏則尚書亦稱臺此

所詰者當是尚書臺耶也

迄于永熹 熹當作惠今本紀作永嘉字之謬也說見沖

後漢書辨疑卷九

五

李沈氏編

帝紀

周舉傳

汝南汝陽人 地已書于防傳黃瓊地已書文苑黃香傳

李固地已書方術李邵傳鄭泰地已書鄭眾傳可省

延熹四年辟司徒李邵府 延熹當作延光傳誤

乾坤定矣 定矣闕本作以定

尚字河伯河南郡人也 南郡上河字衍本紀作南郡注

云即人

黃瓊傳

即拜議郎稍遷尚書僕射 李固薦瓊疏云瓊久處議郎

已且十年

黃琬傳

後瓊為司徒時司空盛允有疾瓊遣琬候問會江夏上繼

賊事副府允戲琬曰江夏大邦而蠻多士少琬奉手對

曰蠻夷猶及責在司空 案允于延熹二年由大鴻臚

為司空次年遷司徒允為司空時瓊為太尉非司徒也

傳誤

更封陽泉鄉侯 其鄉在南陽魯陽縣

論復增敦朴有道賢能直言獨行高節質直清白敦厚之

屬 案潛夫論尙有明經寬博武猛治劇等各

荀爽傳

觀鳥獸之文與天地之宜 闕本無天字

悅傳

官用權 官闕本作宦

必乎真定而已 定申鑿作實

臧否不問其揆一也 問當作同

鍾皓傳

同郡陳寔年不及皓皓引與為友 魏志鍾繇傳注云寔

少皓十七歲

陳寔傳

陳寔字仲弓 太丘長陳寔碑云君諱寔字仲躬洪景伯

曰諸書皆作字仲弓此碑不同始是借用

名士無往者讓甚恥之寔乃獨弔焉 黨錮之起由於名

士之疾惡太嚴孔子大聖何嘗觸忤陽虎及其作春秋
則書之為盜此所以免禍于亂世也陳仲弓之獨弔張
讓父其知道乎

陳紀傳

子羣為魏司空 魏志陳羣傳云羣為兒時寔常奇異之

謂宗人父老曰此兒必興吾宗

李固傳

固乃與廷尉吳雄上疏 雄字季高河南人附見郭躬傳

先是蠶吾侯志當取翼妹 當闕本作嘗非也

夏門亭長呵之 史作夏門注云萬壽攷杜喬傳亦作夏

門則注誤也

後漢書辨疑卷九 七

吳祐傳

祐以光祿四行遷膠東侯相 舊制光祿舉三署郎以高

功久次才德尤異者為茂材四行

時扶風馬融在坐為翼章草 融傳云為梁冀草奏李固

以此頗為正直所羞

史弼傳

生乃說以它事竭弼 竭當作謁

盧植傳

遂隱于山谷 續漢書云隱居上谷軍都山

趙岐傳

因共上為青州刺史 魏志閻溫傳注作豫州刺史

著要子章句 要子疑是孟子之譌案趙氏孟子題詞云
述已所聞爲之章句

皇甫規傳

臣不勝至誠沒死自陳 沒死即昧死昧沒聲相近

霧氣白濁 霧氣見即顛傳所云白濁案易稍覽圖云太

平之時太陰用事而少陽卦當效時至則於效上分一

時非太平以其卦分效則可未可責時至立效也太陽

用事少陽卦效亦如之凡形體不相應皆有其事而不

成也其在位者有德而不行也有貌無實有實無貌故

言從其類也上爲貌也寒温爲實鄭康成注云形謂白

濁清淨可得而見故言形體者以身體寒濁也不相應

者温不清淨寒白濁也德者帝王之道其在位者廢而

不行故不相應也白濁清淨故寒温不效此伎人之道

也寒温白濁清淨不效此賢者之類屈道仕也白濁清

淨其上貌寒温者是爲實

流血丹野 丹闕本作川

延熹四年秋叛羌零吾等 本紀在六月此作秋誤

張奐傳

其尙書劉猛刀避衛良 刀避字子榮附見黃瓊傳

黨同文昭之德 黨古儻字

段熲傳

注宗字子松 宗上脫會字

司徒尹詵薦頌 本紀作尹頌

又雜種羌屯聚白石 白石縣各前志屬金城續志屬隴

西

陳蕃傳

初仕郡 蕃爲郡功曹時太守王堂也

舉首頓眉之感 感古憾字

蕃與司徒劉矩司空劉茂共諫請瓊超淨等 案蕃爲

太尉與司空茂同時其時之司徒乃許詡也至劉矩嘗

再任太尉未嘗爲司徒傳殆誤矣劉愷傳亦誤

前梁氏五侯毒徧海內 案列傳樂平侯梁安國單父侯

梁翟襄邑侯梁嗣城父侯梁桃頰陽侯梁馬俱以冀敗

秦市所謂五侯疑卽此五人也若屯騎校尉讓衛尉淑

越騎校尉忠長水校尉載傳中不言封侯又冀傳云一

門前後七封蓋指以上五侯及乘氏西平二侯也若讓

淑忠載俱侯冀傳何以不數及之注說非是

今封蕃高陽侯 高陽下脫鄉字闕本不脫

王允傳

大將軍何進太尉袁隗司徒楊賜共上疏請之 案上文

云中平元年又云明年則中平二年也其時何進爲大

將軍張延爲太尉崔烈爲司徒楊賜爲司空無太尉隗

也且隗亦未嘗爲太尉傳誤

士孫瑞字君策 魏志董卓傳注引三輔決錄注云瑞字

士孫瑞字君策

君榮

劉淑傳

永興二年司徒種嵩舉淑賢良方正 案種嵩為司徒在

延熹四五年非永興時也傳誤

范滂傳

舉孝廉光祿四行時冀州饑荒盜賊羣起乃以滂為清詔

使案察之 案第五種以司徒掾清詔使冀州見種汝

南周勃辟太尉清詔使荆州章懷引此皆公府清詔也

滂為光祿勳之清詔

遷光祿勳主事 主事疑是掾屬百官志所無又戴封及

戴就俱曾為光祿勳主事公沙穆以高第為主事亦即

後漢書辨疑卷九

十

撰李沈氏編 對斗齋叢書

此官

尹勳傳

伯父睦為司徒兄頌為太尉 攷尹睦永元四年為太尉

尹頌永興二年為司徒則睦未嘗為司徒頌未嘗為太

尉也傳文例誤

尹陟傳

時太尉張顛司徒樊陵 案本紀光初元年張顛為太尉

其時為司徒者袁滂非樊陵也

張儉傳

又舉敦樸 敦樸光祿四行之一也

岑暉傳

李膺王陽稱其有幹國器 陽當作暢

范康傳

范康字仲真 范當作苑

時山陽張儉殺常侍侯覽母 常侍上當有中字

竇武傳

太尉溫之弟也 太尉當作衛尉

何進傳

何進字遂高 魏志注引續漢書云進本屠家子父曰真

真死後進以妹倚黃門得入掖庭有寵

光初二年貴人立為皇后 二年當作三年

又有左右校尉 樂資山陽公載記云議郎馮方為助軍

後漢書辨疑卷九

十一

撰李沈氏編 對斗齋叢書

右校尉諫議大夫夏牟為左校尉見靈紀注

因復博徵智謀之士龐紀何顛荀攸等 陳景雲曰據荀

彧袁紹傳並作逢紀此作龐誤

鄭泰傳

司農眾之曾孫也 據魏志鄭渾傳則泰當是眾之元孫

婦女猶戴戟揅矛 戴魏志注作載

以當妾戰之人乎 妄表注作忘

孔融傳

拜中軍候 魏志崔炎傳注云累遷北軍中候此作中軍

候誤

左丞祖者稱有意謀 闕本作左丞黃祖者案魏志崔炎

傳注云司馬彪九州春秋作左承祖與劉義遜並舉則

承祖又似左君之字

一離刀鋸沒世不齒 離宋書刑法志作罹古字通

荀彧傳

今君爲十州之鎮 十當作一

或乃德程昱說范東阿 德當作使

皇甫嵩傳

寶弟梁稱人公將軍 吳志孫破虜傳裴松之注引獻帝

春秋梁作良

封凡刻石 凡當從魏志賈詡傳注作戶

陷流漳河飲馬孟津株閣官之罪 魏志注流作蹟官作

後漢書辨疑卷九

十一

李沈氏編 鬚斗齋叢書

宦

後漢書辨疑卷九終

後漢書辨疑卷十

嘉定錢大昭晦之甫學

董卓傳

董卓字仲穎 英雄記曰卓父有三子長子擢字孟高早

卒次卽卓

注前書曰仲穎巡徼京師 仲穎二字誤當作中尉徼循

京師

更以爲尙書典選 魏志賈詡傳作典選舉

三年使謁者僕射裴茂 三當作二

劉虞傳

拜虞甘陵相 獻王忠之相也

後漢書辨疑卷十

一

李沈氏編 鬚斗齋叢書

公孫瓚傳

臣聞皇義已來 裴注三國志公孫瓚傳引典略載瓚表

紹罪狀大意與此相同而辭句多有不同

紹令星工伺望祥妖 星工謂其將崔巨業也

紹遣小將盜居其位 小將謂周昂也

紹罪十也 裴注引十也之下有臣又每得後將軍袁術

書云紹非術類也紹之罪戾雖南山之竹不能載二十

八字

故齊桓立柯會之盟 柯會裴注引作柯亭

瓚乃自署其將帥爲青冀兗三州刺史 魏志瓚傳云嚴

綱爲冀州田楷爲青州單經爲兗州

拜北平將軍 陳景雲曰北平當作平北

陶謙傳

四遷為車騎將軍張溫司馬 四遷謂舉茂才除盧令遷

幽州刺史徵拜議郎參車騎將軍張溫事也

下邳閻宜自稱天子 閻當作闕

袁紹傳

父成五官中郎將 袁安傳云湯長子成左中郎華嶠漢

書三國志袁紹傳注引云湯四子長子平平弟成左中郎並早卒

未知孰是

除濮陽長 許劭傳長作令

注淳于夔為右校尉 本紀注亦引山陽公載記作淳于

後漢書辨疑卷十

二

精李沈氏編

瓊

注斥丘縣屬鉅鹿郡 案兩漢志斥丘並屬魏郡不屬鉅

鹿

願上惟先代成則之誠 則裴松之引九州春秋作敗

且公師徒精勇 公闕本作今

袁譚傳

宣子之臣承業 魏志注引此篇無臣字疑衍

況我疾類 疾當作族

注遵而無改 遵當作違

是以周公垂涕以斃管蔡之獄 斃魏志注作蔽左氏襄

廿七年傳云以誣道蔽諸侯陸德明曰服虔王肅董遇

並作弊周禮大司寇職以邦成弊之鄭眾曰弊之斷其

獄訟也蔽與弊通作斃者誤

何意凶臣郭圖妄畫蛇足 郭圖魏志注作逢紀案逢紀

審配與向比辛評郭圖與譚比當從魏志注作逢紀

損先公不世之業 損魏志注作隕

貴名高於丘岳 高閻本作位

配等亦當敷躬布體 敷魏志注作袒

審配將馮札 札閻本作禮

幹乃留其將守城 其將夏昭鄧升也見魏志

注典論曰 典論魏志注作典略

劉表傳

後漢書辨疑卷十

三

精李沈氏編

荆州八郡可傳檄而定注漢官儀曰荆州管長沙零陵桂

陽南陽江陵武陵南郡章陵等是也 案江陵即南郡

所治章陵即春陵南陽屬縣郡國志荆州七郡有江夏

無江陵章陵三國志建安二十年劉備與孫權連和分

江夏長沙桂陽東屬南郡零陵武陵西屬不言南陽建

安二十四年吳分宜都秭歸二縣為固陵郡二十五年

權自公安都鄂改名武昌以武昌下雒陽陽新榮桑

沙羨六縣為武昌郡魏黃初三年以荆揚江表八郡為

荆州荆州江北諸郡為郢州權叛復郢州為荆州此皆

以後之事劉表為荆州刺史尚在初平元年也竊疑漢

官儀之江陵是江夏之譌而章陵之郡不知置于何時

建安十八年省州并郡時已有章陵見獻帝起居注
乃使越遣人誘宗賊帥至者十五人 裴注魏志劉表傳
作五十五人

唯江夏賊張虎陳生 裴注作陳生

注劉表將呂介下兵射中堅頭 裴松之注孫堅傳引

英雄記呂介作呂公下兵作下石

注代語曰 代語卽世語唐人避諱改也郭頒所撰頌晉

襄陽令隋經籍志作魏晉世語

侍中從事鄧義陳 義當作義見魏志陳景雲曰侍中當

作治中因下有侍中之文而誤

劉焉傳

後漢書辨疑卷十

四 李沈氏編

初名爲鬼卒後號祭酒 隸續載米巫祭酒張普題字云

熹平二月三月一日天表鬼兵胡九口口仙歷道成元

施延命道正一元布於伯氣定召祭酒張普萌生趙廣

王盛黃長楊奉等論受徵經十二卷祭酒約施天師道

法元極耳此碑有天師道法及祭酒鬼兵字而云受徵

經十二卷蓋諸張妖黨指傳授之約觀其詞以是姓胡

老初入米賊社中故召諸祭酒授以經法頗合史氏所

載

欲舉漢中降 魏志建安二十年復漢寧郡爲漢中故上

言領漢寧太守而此言漢中也

賈術傳

公孫瓚使劉備合謀 劉備下閩本有與術二字

誘殺其王寵 寵陳敬王曾孫

任延傳

注東觀記曰秦時改爲太末 東觀當作東陽晉志太末

屬東陽郡

願得光死備錄 光當作先南監本不誤

臣聞忠臣不私私臣不忠 通鑑私俱作和案下文云上

下雷岡非陛下之福則和字是

王景傳

閩與郡決曹吏楊邑等 吏當作史南監本不誤

初平帝時河汧決壞 河汧當作汧河明帝紀注引此傳

後漢書辨疑卷十

五 李沈氏編

亦作汧河決壞

注乃以校尉王延代領河堤謁者 案前書溝洫志作校

尉王延世此作延代避諱改

郡界有楚相孫敖所起芍陂稻田 孫敖閩本作孫叔敖

集於大衍元基云 於當作爲

第五訪傳

補新都令 兩漢志新都俱屬廣漢注云屬蜀郡誤

劉矩傳

叔父光順帝時爲司徒 案劉光順帝永建二年代朱寵

爲太尉非司徒也傳誤

劉寵傳

劉寵字榮祖 閩本作祖榮吳志劉繇傳注與閩本同此誤

將周少子封牟平侯 案牟平侯名濞

不可得也 也當從吳志注作止

注若使明君用公山於前 陳景雲曰使明當作明使漢

代人稱州將皆曰明使君也

仇覽傳

年四十縣召捕吏 捕當作補南監本不誤

童恢傳

童恢 童當作董隸釋有故不其令董君關

樊仲華傳

後漢書辨疑卷十

六

楊李沈氏銅

理家之理 下理字當作術南監本不誤

注軹縣屬河南郡 當作河內

不入冀府寺 冀為太守治所故止言冀

陽球傳

及甫子永樂少府萌 甫子當作甫養子

球使以大室口 大當作土南監本不誤

孫程傳

涿郡新城人也 新城當作北新城

遂誅鄧氏而廢平原王 攷紀傳無廢平原王之事

彭禮為西平昌侯注西平昌諸縣屬平原郡 諸字衍文

今本郡國志平原郡無此縣而兩平昌三字反雜入樂

安國注中余讀通鑑卷四十四胡注云郡國志高帝以

西平昌置千乘郡乃知其誤已久特無人校正之耳

王道為范縣侯趙封為析縣侯 案十九人皆縣侯也獨

于此二人加縣字疑是俗儒妄增

使五官郎將 五官下疑脫中字

曹騰傳

曹騰字季興 續漢書云騰父節字元偉素以仁厚稱鄰

人有亡豕者與節豕相類詣門認之節不與爭後所亡

豕自還其家豕主人大慙送所認豕并辭謝節笑而

受之由是鄉黨賞歎焉長子伯興次子仲興次子叔興

次子季興見魏志注

後漢書辨疑卷十

七

楊李沈氏銅

騰為費亭侯 隸釋曹騰碑陰云建和元年七月己巳皇

太后日其遺費亭侯之國

恆農張奐額川堂銘地典等 趙字衍三國志魏太祖紀

注引司馬彪續漢書無趙字

於斜谷閒搜得其書 斜谷閒裴注引續漢書作函谷關

養子嵩嗣 魏志曰騰養子嵩莫能審其本末注引續漢

書云嵩字巨高

單超傳

左回天具獨坐徐臥虎唐兩陸 兩陸一作雨陸通鑑攷

異云雨陸者謂其性急暴如雨之陸無有常處也太平

御覽三百九十三又四百九十六並引風俗通云延熹

中中常侍單超左怕徐璜具瑗唐衡在帝左右縱其姦
惡時人爲之語曰左回天徐轉日具獨坐唐應聲言其
信用甚于轉圜也竊意兩墮雨墮義無所取應仲遠說
爲得其實

曹節傳

其本魏郡人 其下疑脫先字

節亦增邑四千六百戶并前七千六百戶 案曹節建寧
元年以定策功封長安鄉侯六百戶後誅竇武陳蕃等
進封育陽侯增邑三千戶若延熹八年又增邑四千六
百戶當云并前八千二百戶矣今云并前七千六百戶
則增邑之數當云四千其六百二字衍文也

後漢書辨疑卷十

八

李氏編

巡以爲諸博士試甲乙科 此下六十餘言已見儒林傳
而又載于此失之複查矣

孫期傳

范升傳孟氏易以授楊政 孟氏當作梁丘范升傳云及
長習梁丘易又上疏云臣與博士梁恭山陽太守呂羌
俱脩梁丘易楊政傳亦云從范升受梁丘易漢儒師法
各不相謀此云傳孟氏易傳寫之譌也

張馴傳

光和七年徵拜尙書 光和紀元無七年攷中平之改元
在是年十二月則光和七年即中平元年也

尹敏傳

建武二年上疏陳洪範消災之術 續漢書云建武二年
敏上疏云六沴作見若是供御帝用不差神則大喜五
福乃降用章於下若不供御六罰既侵六極其下明供
御則天報之福不供御則禍災至欲尊六事之體則貌
言視聽思心之用舍六事之揆以致乎太平而消除臧
軻孽害也

孔僖傳

天下所具也 具當作見

命儒者講論 論下闕本有語字

崔駰以家林筮之 崔篆有周易林六十四篇故曰家林
楊倫傳

後漢書辨疑卷十

九

李氏編

扶風杜林傳古文尙書 案杜林傳云前于西州得漆書
古文尙書一卷出以示衛宏徐巡等曰林流離兵亂常
恐斯經將絕何意東海衛子濟南徐生復能傳之古文
雖不合時務然願諸生無悔所學宏巡益重之由是古
文遂行據此則古文之傳衛徐二人亦大有功也

包咸傳

傳中右中郎將 傳當作侍南監本不誤

魏應傳

魏應字君伯 案承宮傳云宮名播匈奴時北單于遣使
求得見宮宮自以狀醜不可以示遠宜選有威容者帝
乃以大鴻臚魏應代之是應乃長大有威容者

丁恭傳

封關內侯 光武時恭門人鍾興以春秋教太子封為關

內侯興曰臣師丁恭乃封恭

張元傳

諸生上言元兼說嚴氏宣氏不宜專為嚴氏博士 宣氏

二字疑衍是時春秋嚴顏並立博士之言其學通二家當

兼二家博士也

李育傳

固奏記薦育于驃騎將軍東平王蒼 其詞曰扶風掾李

育經明行著教授百人温故知新論議通達廉清脩絜

行能純備雖前世名儒國家所器韋平孔翟無以加焉

後漢書辨疑卷十

十 李沈氏銅 熨斗齋叢書

服虔傳

作春秋左氏傳解 解下脫誼字

杜篤傳

篤有十二 有十當作十有

南禽公孫北背強胡 閩本無此二句非

王隆傳

所著詩賦銘書凡二十六篇 案隆嘗作小學漢官篇見

百官志

傅毅傳

班固為中護軍 前書有護軍都尉屬大司馬平帝元始

元年更名護軍中護軍之官始見于此至漢季又有中

領軍矣

黃香傳

田令商者不農 田字疑誤或是甲字

劉珍傳

劉珍字秋孫 案百官志注引胡廣說云前安帝時越騎

校尉劉千秋校書東觀樊長孫與書曰漢家禮叔孫通

等所草創誠宜撰次依擬周禮君以公族元老正丁其

任劉君甚然其言參議未定會遷宗正衛尉未遑恤也

攷其時侯及歷官原委劉千秋即劉珍也傳云秋孫未

知孰是

又撰釋名三十篇 今所行釋名二十七篇非此也是劉

後漢書辨疑卷十

十 李沈氏銅 熨斗齋叢書

熙所撰熙之名見于吳志程秉薛綜等傳書之名見於

吳志韋曜傳及隋書經籍志

邊韶傳

後為陳相 詔延熹八年八月為陳相作老子銘其文載

在隸釋

邊讓傳

盡人生之祕玩 人生闕本作生人

注繁手怕聲淫理心耳 當作繁手淫聲怕埋心耳

按毛嬙之素肘 此句下閩本南監本俱有正文形便娟

以嬋媛兮若流風之靡草十三字又注文淮南子曰今

舞者便娟若秋葍被風葍白芷也十八字汲古閣本脫

非禮不言 禮闕本作法

子奇終無阿宰之功 阿宰闕本作理阿

操告郡就殺之 袁紹檄文云故九江太守邊讓英才備

逸以直言正色論不阿附身被梟賊之戮妻帑受灰滅

之咎

侯瑾傳

西河人敬其才而不敢名之 陳景雲曰西河當作河西

瑾敦煌人河西四郡之一也

高彪傳

病卒於官 碑云君舉將潁川太守南陽文府君徵詣廷

尉君感網紀捐官赴義星行載驅至以生疾光和七年

後漢書辨疑卷十

主

李沈氏編

六月丙申卒

嗣衡傳

昔孝武繼統 孝武文選作世宗

臣等區區敢不以聞 此下文選尚有陛下篤慎取士必

須効試乞令衡以褐衣召見必無可觀臣等受面欺之

罪二十九字

後漢書辨疑卷十終

後漢書辨疑卷十一

嘉定錢大昭晦之甫學

譙元傳

持節與太僕任暉等分行天下 前書本紀及表俱作王

暉

劉茂傳

元初中鮮卑數百餘騎寇漁陽 元初以下一百二十五

字與鮮卑傳重複又誤以延平為元初當去此存彼

索盧放傳

索盧放字君陽 呂氏春秋禽滑釐有門人索盧參王莽

末有無鹽人索盧恢

後漢書辨疑卷十一

一

李沈氏編

范冉傳

少為縣小吏 丹為外黃令牛述功曹見爰延傳

趙苞傳

甘陸東武城人 陸當作陵南監本不誤

涼輔傳

若至中不語 當作若至日中不雨南監本不誤

折像傳

其先張江者封折侯 前書表無此侯

樊英傳

成都市火甚盛因含水西向澆之 案神仙傳所載樂巴

西南巽酒成都火滅疑卽一事傳聞有異耳

孫陵以諂事宦人為司徒 案樊陵中平五年山永樂少

府為太尉非司徒也傳誤

唐檀傳

立濟陽王為天子 濟陽當作濟陰而監本不誤

公沙穆傳

以高第為主事 此即光祿主事也

於是暴雨既霽 閩本暴雨下有不終日三字

徐登傳

徐登者閩中人也 自徐登以下十餘人皆神仙性異之

事不作傳可也

左慈傳

後漢書辨疑卷十一 三 楊李沈氏編

慈乃卻入壁中霍然不知所在 閩本無然字

計子勲傳

計子勲者不知何郡縣人 此計子勲疑即荀子訓也一

人兩傳

上成公傳

上成公者宓縣人也 書縣不書郡非史例

梁鴻傳

父讓王莽時封脩遠伯 案前書王莽傳讓作護

妾亦似蹇數夫矣 廣雅曰偃蹇天橋也蓋驕傲之意

鮑宣妻傳

為魯郡太守 當云魯相說詳鮑永傳

周郁妻傳

郁父偉 偉閩本作衛

曹世叔妻傳

名昭字惠班 文選東征賦注引後漢書云字惠姬

耳無淫聽 淫閩本作塗

視聽陝輸 說文媿不媚前卻媿媿也陝輸與閃揄同趙

壹傳榮納由于閃揄孰知辨其蚩妍注閃揄傾佞之貌

在此無惡在彼無厭 閩本彼此二字互易

樂羊子妻傳

一節而累以至于寸 說文舛織絹以糸貫杼也从絲省

井聲 古選切

後漢書辨疑卷十一 三 楊李沈氏編

陰瑜妻傳

後同郡郭奕喪妻爽以采許之 陳景雲曰郭嘉卒於建

安十二年年三十八距荀爽之歿幾二十年計爽存日

嘉年方冠不得有受室壯子又爽名德素著亦定無強

奪女志事爽奕二字必有誤

東夷傳

初北夷索離國王出行 王充論衡吉驗篇索作蒙

復徙於馬蘭 蘭論衡作欄

至靈帝熹平年復奉章貢獻 本紀熹平三年夫餘國遣

使貢獻此年字上脫三字閩本不脫

主部優台使者帛衣先人 帛魏志作皂部閩本作簿以

下文大加主簿句證之則作簿者是魏志亦作簿

好剗鬼神祀稷零星 零星前書郊祀志作靈星

安帝永初五年 五當作三

幽州刺史馮煥 閩本及本紀煥俱作煥

夏復與遼東鮮卑八千餘人攻遼隊 遼東二字疑是衍

文

殺帶方令 郡國志帶方屬樂浪注誤

其地東西夾南北長 夾古狹字

以相兼領 兼閩本作監

分置樂浪臨屯元菟真番四部 部疑當作郡

其官有侯邑君三者 三者魏志作三老

後漢書辨疑卷十一 四 魏李沈氏編

海出從魚 從閩本及魏志作班

大率皆魁頭露紛 魁科聲相近

馬韓割東界地與之 東當作東

行酒為行解 行解當從魏志作行觴

相別為徒 閩本及魏志俱作相呼為徒

次有樊祇 魏志作樊濊

凡諸質易 質疑質字之譌閩本作貨亦誤

在會籍東治之東 籍當作稽

才曰其矢 當從閩本作木弓竹矢

別尊卑之走 走字誤安帝紀注引此傳及閩本皆作

有東鯤人分為二十餘國 二閩本作三

南蠻傳

單程等飢困乞降 單程上脫相字

帝賜調便金印紫綬 案本紀日南徼外葉調國揮國遣

使貢獻注引東觀記曰葉調國王遣使師會詣闕貢獻

以師會為漢辨義葉調邑君賜其君紫綬據此則葉調

是其國名便是其君名傳云帝賜調便疑有誤

巴郡黃巾賊起 閩本巴有州字非也

遣西園上軍別部司馬趙瑾討平之 卽上軍校尉蹇碩

之別部司馬也

西南夷傳

檇榆拊棟連然滇池建憐昆明 檇榆郡國志屬永昌郡

後漢書辨疑卷十一 五 魏李沈氏編

前志益州郡有昆澤無昆明續志益州永昌二郡俱無

昆明疑昆澤之譌注以六縣為屬益州郡誤

建元二十三年其王賢栗 建元當作建武

肅宗募發越嶲益州永昌夷漢九千人討之 漢字疑衍

蘇祈叟二百餘人 史漢西南夷傳無叟字蜀夷有名叟

者蓋在明章之後董卓傳呂布軍有叟兵劉焉傳遣叟

兵五千劉璋傳送叟兵三百人李恢傳賦出叟漢張巖

傳叟夷數反諸葛亮出師表資叟青羌是也

旄牛夷叛攻零關 零郡國志作靈

永壽二年蜀郡夷叛 本紀作蜀郡屬國夷

西羌傳

賜支者禹貢所謂析支者也 賜析聲相近

其兵常在山谷 常閩本作長

又數遣使驛通動靜 閩本通下有導字

臨羌長收擊比銅鉗 擊當作繫

以父降漢乃入居塞內 馬防傳所云金城隴西保塞羌

也

武威太守傅育代為校尉移居臨羌 前校尉竝居安夷

今始居臨羌故曰移

章和元年復與諸種步騎七千人入金城塞 按上文已

有章和元年矣此四字疑衍

集附落種厭熾盛 集上閩本有會字

後漢書辨疑卷十一 六 李沈氏銅

與金城太守侯霸 此侯霸非則卿侯也

以其居大小榆谷土地肥美 水經注河水逕西海郡南

又東逕允川而歷大榆谷小榆谷北二榆土地肥美羌

所依阻也

京師虎牙都尉耿溥 京師當作京兆

怒而不救光竝沒 閩本光下有等字

戰于富平河上 河上疑當作上河水經注云河水於此

有上河之名也

上郡沈種羌五千餘人 本紀作沈氏羌

而首尾兩頭 首尾閩本作首施

而遭元元無妄之災 元元當作元二謂安帝永初元年

二年也下云郡縣兵荒二十餘年自永初至永建四年

正二十餘年說詳鄧騭傳

長封親屬竝請實降 實當作賢

又於扶風漢陽隴道作塢壁三百所 案本紀令扶風漢

陽築隴道塢據此則作字當在隴道之上

據參懸北界 懸當作懸

三年夏趙沖與漢陽太守 三當作二漢安無三年

趙沖復追叛羌到建威鷓陰河 建威當作武威鷓陰前

志屬安定續志屬武威

乃與漢中羌義從胡北宮伯玉等 漢中當作湟中

桓帝建和二年白馬羌千餘人云云 此三十一字已見

後漢書辨疑卷十一 七 李沈氏銅

上文不須重出

廂破嵩積 嵩當作賞

四城傳

宜宜禾都尉以屯田 伊吾地宜五穀桑麻皆膏腴之地

故置宜禾都尉於此

憲因遣副校尉閻榮 榮當作藝說詳和帝紀

因以超為都尉 尉疑當作護

復部營兵三百人 舊時敦煌郡有營兵三百人今復部

之

庶尼折衝萬里 尼當作足

與戊部候嚴皓不相得 戊部候永元三年置居車師後

部候城

後部候炭遮嶺餘人嶺間本作領

論將微意未譯 意問本作義

南匈奴傳

十三年遂寇河東 據本紀當作十五年

以次當左賢王 當下應有為字

時比弟漸將王 漸將王匈奴官名

其冬比自立為呼韓邪單于 本紀是年十月匈奴莫鞮

日逐王比自立為南單于於是分為南北匈奴

及南部五骨都侯 五骨都侯者即下文韓氏當于呼衍

耶氏栗籍也皆匈奴大族

後漢書辨疑卷十一 八 匈奴傳

及悉復緣邊八郡 八郡者雲中五原朔方北地定襄雁

門上谷代也

以中郎將吳棠 袁紀作吳常

攻皋林温禺犢王於涿邪山 北史云徇弱水西行得涿

邪山

以征西大將軍耿秉 案章帝紀耿秉傳並作征西將軍

此大字疑衍

復將眾還居涿邪山 先是永平十六年遁去至此時復

還

又畏丁令鮮卑遁逃去依安侯河西一按魯恭傳恭上

疏曰今匈奴為鮮卑所殺遠越于火侯河西去塞數千

里而欲乘其虛耗利其微弱是非義之所出也此作安

侯彼作史侯未知孰是

慚無報効之義 義問本作地

建元元年鄧遵免 建元當作建光注亦誤

以太原太守法度代為將軍 將軍上當有度遼二字下

文漢陽太守傅眾遼東太守龐參城門校尉吳武並為

度遼將軍皆脫度遼二字

龜坐下獄死 案陳龜傳下獄之後再遷為京兆尹則此

云下獄死非也

中國之所長也 問本無也字

烏桓傳

後漢書辨疑卷十一 九 烏桓傳

乃遣車騎將軍何熙 本紀作行車騎將軍此當有行字

度遼將軍梁慄等擊 度遼上亦當有行字

烏桓復與鮮卑及南匈奴鮮卑寇緣邊九郡 下鮮卑二

字疑衍案本紀是年六月南匈奴及烏桓鮮卑寇緣邊

九郡

鮮卑傳 因令擊北匈奴左伊育營部 育祭彤傳作秩

率種人詣闕朝賀 賀魏志作貢

時漁陽赤山烏桓散志貢等 散魏志注作欽

永壽二年秋檀石槐遂將三四千騎寇雲中 是役也度

遼將軍李膺平之是見膺傳故應奉疏稱膺著威幽并

道愛度遼也傳失載

幽并涼三州緣遼諸部 陳景雲曰部當作郡

後漢書辨疑卷十一終

後漢書辨疑卷十一 十一 補李氏 疑辨類書